

LOMIGA 16

RIPOTI
FAALE-TAUSAGA

2021

Please address all correspondence to:
The Minister of Finance
Private Bag
Apia, Samoa



Email: Mulipola.Molioo@mof.gov.ws
Telephone: (685) 34-333/34385
Facsimile: (685) 21-312/20293

Government of Samoa

OFFICE OF THE MINISTER OF FINANCE

8 Novema 2021

Afioga i le Fofoga Fetalai
Fono Aoao Faitulafono a Samoa

E tusa ai ma le fuaiupu 20(5) o le *Tulafono o le Pulega o Tupe Faava o Malo a Samoa 2005*, ou te tuina atu ai ma le agaga faaaloalo le Lipoti a le Pulega o Tupe Faava o Malo a Samoa i ana galuega faatino mo le sefulu ma le lua masina na faaiuina i le aso 30 Iuni 2021, faatasi ai ma faamatalaga tau tupe ua mae'a ona su'eina faasu'etusi mo lena vaitaimi ma le Lipoti a le Su'etusi i ana faamatalaga tau tupe.

O le Lipoti Faaletausaga a le SIFA ma faaiuga ile faatautaia o galuega faatino sa i lalo o le faamalumaluga a le Minisita o Tupe ma lana Pulega talu ai.

Mulipola Anarosa Ale Molio'o
MINISITA O TUPE



Samoa International Finance Authority

Please address correspondence to
THE CHIEF EXECUTIVE OFFICER

5 Novema 2021

Afioga Mulipola Anarosa Ale Molio'o
Minisita o Tupe
Matagaluega o Tupe
APIA

Lau Afioga i le Minisita,

E ia te a'u le ava tele e tuuina atu ai le Lipoti Faaletausaga a le Pulega o Tupe Faava o Malo a Samoa, e pei ona aiaia i le *Tulafono o le Pulega o Tupe Faava o Malo a Samoa 2005*, mo le tausaga faaletupe 1 Iulai 2020 i le aso 30 Iuni 2021.

Ua aofia i le Lipoti:-

- (a) se lipoti o galuega a le Pulega, a o faagasolo le sefululua (12) masina, se'ia faamutaina i le aso 30 Iuni 2021; ma
- (e) le faamatalaga tau tupe a le Pulega mo le sefululua (12) masina na faaiuina ia Iuni 2021, ua mae'a ona su'eina faasu'etusi faatasi ai ma le Lipoti a le Su'etusi.

Ma lo'u faaaloalo lava

Tuifaasisina Sieni Tualega-Voorwinden
PULE SILI O LE PULEGA O TUPE FAAVA O MALO A SAMOA

FAASOLOGA O MATAUPU

04	Saunoaga a le Taitaifono
06	Saunoaga a le Pule Sili o le SIFA
08	O le Puleaina ma Galuega Tauave a le SIFA
10	Faatulagaga o le SIFA
13	Tulafono e Faatonutonu ai Galuega a le SIFA
14	Galuega a le SIFA
19	Atina'e
21	Tulaga Tau Tupe a le SIFA
22	Faamatalaga Tau Tupe

SAUNOAGA A LE TAITAIFONO

E tusa ai ma lo'u tofiga o le Taitaifono o le Pulega o Tupe Faava o Malo a Samoa (SIFA), ou te fiafia e tuuina atu le Lipoti Faaletausaga a le SIFA mo le Tausaga Faaletupe 2020/2021.

I le Lipoti Faaletausaga ua tuana'i, sa iloga o se tausaga o mea na tutupu e le'i mafafauina, talu ai le amata pepesi o le Koviti-19 ma ona aafiaga ogaoga, ua le gata i le lalolagi atoa ae ua faapena foi si o tatou atunuu. Ae peita'i, ua laugatasia ia Samoa ma le lalolagi i le feagai ai ma le mata'utia ma le ogaoga o le Vairusi o le Korona, ma o le taimi nei o lo o aafia pea le lalolagi ma isi laasaga faaauau o lenei faama'i oti ua fotua'i mai e pei o le vairusi o le delta, ua faamaonia le sili atu o le vave o le pepesi ma ogaoga ona aafiaga e oo lava ina maliliu ai tagata. Ona o nei mea ua tutupu, ua valoia ai e i latou o e popoto faapitoa i suesuega o vairusi le tatou le toe foi i 'aga masani e pei ona iai i tausaga ua te'a.

I le avea ai ma Komiti o Faatonu mo fuafuaga lelei, e faapefea le faatautaiga o le tatou Ofisa i taimi faigata ma le sousou? O vaega ia sa tulimata'i i le tausaga faale tupe ua tuana'i faapea foi le lumana'i. Ua tatou filifili e faatinoina galuega i se isi tulaga, e ala lea i le talia o suiga ma le iloa o le a le toe tutusa ma auala sa faatino muamua ai e le SIFA ana galuega. Ua tatou fa'aaogaina ia tekonolosi ma ona itu lelei, e faatinoina ai a tatou faalauiloa ma le maketiina o a tatou auunaga, e ala lea i le tuuafaatasia o se taiala e tauala atu i faatulagana eseese e faailoa atu ai a tatou auunaga, e aofia ai Fonotaga Faainitaneti, Semina faapea Aoaoga ina ia aua nei motusia le fesootaiga ma tatou paaga o lo o aumau i atunuu mamao. Ia Tesema 2020 na ausia ai se tasi o matati'a e pei ona aloaia ai le faavaeina o se tasi o kamupani a le SIFA – Samoa International Business Finance Company (SIBFC), Nofoga Tutotonu o Pisinisi Tau Tupe Faava o Malo a Samoa e nafa ma galuega faalauiloa ma le maketiina o Samoa o se atunuu mo pisinisi Faava o Malo. O lenei suiga olo'o ua o gatasi ma galuega fa'ata'atitia a le Pulega o Tupe Faava o Malo, ina ia tu'u ese'eseina ana nafa tausisi sa tauave mai talu ona faavaeina i le tausaga e 1988.

O lo'o va'aia pea suiga ma le malosi mai o taiala o lo'o taulamua ai faalapotopotoga tetele e pei o le Faalapotopotoga o Galuega Felagolagoma'i tau le Tamaoaiga ma Atina'e i le Faamanoina ma le Fetufaina o Faamaumauga mo Lafoga. O faiga faamalosi ma le tau faamata'u a Faalapotopotoga nei o le lalolagi i atunuu e ititi tamaoaiga, fa'aopopo atu ai ma le pagatia o tamaoaiga a atunuu o le lalolagi ona o le Koviti 19, e ono toe fetu'una'i ai faiga faavae tau lafoga faava o Malo a atunuu. Mo Samoa, o lo'o faaauau pea ona lisiina e le Luni a Europa.

O lo o nofo malamalama le Fono Faatonu ma le Pulega ma mata'itu le aga'i mai o suiga tetele nei aemaise lava o le lisiina o Samoa. I le tausaga Faaletupe 2020/2021, o le faamuamua na ave lea i le faatinoina o gaoioiga e aveesea mai ai Samoa mai le Lisi a le Luni a Europa. O lea ua i ai fuafuaga mo le tausaga Faaletupe 2021/2022 e fa'ataunu'u ai lenei galuega faatino. O lona uiga, o le a i ai se fetu'una'iga i pisinisi Faava o Malo e ala lea i ni faiga fou o le a lima ta'ita'i ai galuega faatino ma le auunaga tuuina atu mo tatou pa'aga i le lumana'i.

Talu ai a'afiaga o le Koviti 19 faapea suiga i taiala o lo'o faatino ai pisinisi faava o Malo o le lalolagi, o tele o atunuu latou te faatinoina pisinisi faapenei ua faamauina le pa'u maualalo o tupe maua faapea pisinisi fou. Mo Samoa, e le o mafai ona tatou 'alo i lu'itau ma fa'afitauli nei, o lo'o laugatasia lava Samoa ma le tele o i si atunuu. Ae peita'i, o le lelei ona aputiputi ma le silasila mamao o le Komiti Faatonu ma le Pulega i le faatonutonuina o ana tupe faaalu e fua i luga o ana galuega e tatau ona ausia e pei ona faailoa i totonu o le Taiala 2020-2024 ua mafai ai ona tatou ausia se tulaga lelei i lenei tausaga faale tupe.

O le Tausaga Faaletupe o lo o iloiloaina, e SAT\$21,447,754 miliona le tupe mama. E pei ona iai le fetu'una'iga mai le Matagaluega o Faalapotopotoga Tumaoti a le Malo (MPE), lea ua toe faatulagaina ai le Pulega o Tupe Faava o Malo (SIFA) o se tasi o Faalapotopotoga mo Fefaatauaiga mai le Faalapotopotoga o Faamanuiaga, mo le taimi muamua, e SAT\$7,506,713.60 na ave'eseina mai Tupe Faasili e totogi i le MPE e tusa ma le 35% o ana tupe mama i lalo o se malilie ma le matagaluega. Ou te fia faamauina le faa-malo ma le faafetai i le Pule Sili ma le Pulega faapea le afaigaluega mo galuega mae'ae'a lelei uma.

O lo’o faaauau pea galuega fesoasoani a le SIFA mo le lagolagoina ma le faatupeina o asosi ma faalapotopotoga tau taaloga (lakapi, netipolo...). E le o muta ai le fesoasoani i taaloga, sa mafai foi ona fesoasoani le Pulega o Tupe Faava o Malo i isi vaega o le atunuu e aofia ai poloketi faatino a nu’u, autalavou, ma ekalesia.

E ui lava i le tele o lu’itau e ala i suiga o taiala faapea vaega moomia e tatau ona faatino ai pisinisi tautupe faava o Malo i atunuu o le lalolagi, aepeita’i mo le Pulega o Tupe Faava o Malo a Samoa lava ia, na mafai lava ona faatino galuega i se tulaga lelei ma le maoa’e ona o le lagolago ma le sao tele a le tatou Malo, Faatonu, Pulega ma le aufaigaluega.

E toe fia faamauina le faafetai tele i le Komiti o Faatonu, Pulega ma le aufaigaluega mo galuega lelei uma ua mafai ona faatino.



Taimalie Ernest Betham

TAITAIFONO O LE FONO A FAATONU

SAUNOAGA A LE PULE SILI



E ia te au le agaga fiafia e faailoa le Lipoti Faaletausaga a le Pulega o Tupe Faava-o-Malo a Samoa (SIFA) mo le tausaga faaletupe 2020/2021.

O Samoa o se nofoaga e lelei ma faatuatua ana auaunaga tau tupe ona e malosi le tausisiaina o tulafono ma manino le faatinoina o galuega. I le 33 tausaga ua tuanai, o lo o finau malosi pea le SIFA e faatumauina le lelei ma le mataalia o ana auaunaga tau tupe, e ala lea i le faailoa o auala talafeagai i paaga ma le au fai pisinisi o lo o mananao e faaoga ia auaunaga a Samoa o lo o ofoina ma mulimulitai i alafua faava-o-Malo o lo o faailoa mai e faalapotopotoga o lo o tusiaina taiala e lima ta'ita'iina ai auaunaga tau tupe faava-o-Malo i le lalolagi.

O le SIFA e feagai ma le vaavaaia, faatulafonoina, ma suesue ia le faagaioiina o Kamupani Laiseneina mo Auaunaga Tau Mavaega ma Auaunaga Tautupe Faava o Malo o lo o galulue i totonu o Samoa. O se matafaioi e faaopopo i le faatinoina o le Resitala mo pisinisi uma faava-o-Malo faatasi ai ma pisinisi e laiseneina, fautua le malo i mataupu tau auaunaga tau tupe e tutupu mai, ma fesoasoani i isi pulega o lo o i Samoa ma atunuu i fafo ina ia taofia, faailoa ma molia i le tulafono faiga faasoligatulafono tau tupe.

O le tausaga fa'aleupe 2020/2021 o se tuufaatasiga o galuega o le tausaga ua mavae ina ia mafai ona faatino galuega i se siosiomaga ua mata'utia ona aafiaga i le amata ai o le Koviti-19 ma le faatupulaia o le vairusi eseese e pei o le Delta ua fai ma ta'imua i le fa'aaau ai ona tapunia o atunuu i soo se itu o le kelope. I le fa'aaau ai o sa ma le aafia ai o femalagaina faava-o Malo faapea le lotoifale ua faamalosi ai kamupani ma pisinisi e fai ia suiga ogaoga ina ia mafai ona faatino a latou auaunaga, ma vaavaai i itu lelei e galueaina ai ma faaoga tatau le maoa'e o taumafaiga faatekonolosi ua iai, o lo o faapea foi le taumafai i galuega faatino a le SIFA.

O se tasi o mea taua o le tausaga faaletupe 2020/2021 o le faatuina lea o le Nofoga Tutotonu o Pisinisi Tau Tupe Faava o Malo a Samoa e nafa ma isi matafaioi a le SIFA o le faalauiloa o Samoa o se atunuu e faatuatua ma lelei lana auaunaga tau tupe faava-o-Malo, ma ua molimaui ai le matua i lana auaunaga faapea le faatinoina o suiga fou i totonu o lenei alamanuia.

Sa fetuunai ma fuafua tatau e le SIFA le faiga o ana faalauiloa ma mataupu tau maketi e ala i le faaogaina lelei o veaga o fesootaiga i luga o upega tafailagi, talanoa faafesagai i luga o masini pueata, suesuega i luga o upega tafailagi, ma isi, ina ia avatu ai faalauiloa ma folasaga faamaketi i Fonotaga i luga o Initaneti i paaga i Asia. O ia auala ua faamautinoa ma faaauai ai pea ona tatou iai i totonu o maketi a Asia se'ia toe tatala ia femalagaina ma mafai ai ona tatou toe asiasi ma faagasolo faalauiloa masani ma faatasiga tau maketi. Ua fuafua lelei foi ia tatou feiloaiga ma paaga autu i fonotaga faale kuata e tatala ai avanoa i paaga e tuuina mai ai ni finagalo faalia e uiga i le faatinoina o le auaunaga ma nisi mataupu e fia talanoaina, aemaise le tuuina atu e le SIFA o faamatalaga lata mai ini atina'e fou aua le nofo silafia e le lio o auaunaga.

E faatautaia e le SIFA lana matafaioi o le faatonutonu ma faamautu le tulaga o Samoa o se nofoaga e malu puipuia le faatinoina o lana auaunaga o pisinisi tau tupe i se tulaga mataalia. O lo o faaauai pea ona tatou vaavaai totoa i gasologa o atina'e faava-o Malo, e mafua ai le gauai e auai i fonotaga faaitu lagi ma vaega faava-o-Malo ma faalapotopotoga o lo o fausia taiala. O lo o tatou matua'i faatauina ia tatou tagata faigaluega i le siitia o lo latou malamalama e ala i le auai i fonotaga faava-o-Malo ma isi aoaoga faapitoa. O le tapu ai o femalagaina, ua le tuua ai le faaauai ona tatou auai i aoaoga ma semina e faaoga ai fesootaiga i upega tafa'ilagi, e feololo ni fonotaga sa faataunuuina i le tausaga faaletupe ua tuanai. O aoaoga ma semina sa faatautaia lea e le Financial Action Task Force (FATF). Faalapotopotoga a Asia ma le Pasefika (APG) e Taofia le Faaofiina mai o Tupe mai Auala

Faasolitulafono ma le Taofia o le Faatupeina o Faiga Faatupu Faalavelave (AML/CFT), Faalapotopotoga o Galuega Felagolagomai Tau le Tamaoaiga ma Atinae ma le Faamaninoina ma le Fetufaiga o Faamaumauga mo Lafoga (OECD), Faalapotopotoga e Vaavaaia le Tulaga tau Auaunaga tau Tupe Faava-o-Malo (GIFCS), Fono a Resitara o Kamupani (CRF), Faalapotopotoga e Vaavaaia Tulaga Tau Inisua Faava-o-Malo (GIIFCS).

E ui i tapu ma vavao o poloaiga mo faalavelave faafuasei o le Koviti -19 ua tuuina mai e le tatou malo ae ua faaaau pea ona tatou galulue ma i latou o iai ia tomai faapitoa aua ia faalauiloa ma mautinoa le tausisia o aiaiga faatonutonu faalotoifale ma faava-o-Malo e ala lea i le 2 taamilosaga o asiasiga sa faia i lenei tausaga faaletupe 2020/2021, faapea le faia o iloiloga o faamatalaga tuuina mai o galuega fai a kamupani laiseneina mo auaunaga tau mavaega ma auaunaga tau tupe faava-o-Malo ma kamupani laiseneina ia mautinoa le tausisia o tulafono ma taiala i le faatinoina o auaunaga tau tupe faava-o-Malo. Tatou te manumaloina le mafauauga, o le usitaia o Tulafono ma tausinio, e o faatasi. I lea la tulaga, o le faatumauina o le tatou tulaga lelei i ia vaega e 2, e alagatatau ma faamalosia ai le lelei alualu i luma o le tatou auaunaga i le lio tau tupe faava-o-Malo.

O le SIFA faatasi ma Vaega mo Galuega Faapitoa (aofia ai SIFA, MFAT, MCR, MCIL, MoF, CBS, AG) sa faatuina e fitoitonu mo le finuina o le aveesea o Samoa mai le Lisi Uliuli a le Luni a Europa o lo o ave iai le faamuamua. E mautu laasaga ua faia ma o se tasi o pine faamau sa ausia ia Tesema o le tausaga faaletupe 2020/2021, o le talia lea e le OECD o le talosaga a Samoa e ave ma sui auai o Auala e Faau ai Tupe Mama ina ia Faaititia ai Lafoaga. O le ausia o le sui auai i lea faamoemoe ua totoe ai le tasi o aiaiga mo Samoa mo le faamalieina o le Luni a Europa ina ia ausia le aveesea ai o Samoa mai le Lisi Uliuli. O Samoa sa faamoemoe e ausia le aveesea mai le lisi ia Oketopa 2021, peita'i ane ole faaaau o le le mautonu i upu fai a malo ona o le iuga o le faiga palota tele ia Aperila 2021 ua mafua ona misi le avanoa, o lea la ua tatou tapena ia Fepuari 2022, o le taimi lea e lauliliuina ai e le Luni a Europa le aveesea.

I le tele ai o suiga i faiga faatonutonu ma le le mautu o maketi ona o fesuisuia i o pulega malo a atunuu, faapea le Koviti-19, ae sa lelei lava le faatinoina o galuega a le SIFA, e pei ona atagia i tupe mama e SAT\$21.4 miliona mo lenei tausaga faaletupe. I le faaititia ai o kamupani fou sa mafai ona taofiofi lea faaititiaga, ma tuu mamaina lea pa'u ona o le numera o kamupani toe faafou e silia ma le 90%. Mai i nei taumafaiga ua mafai ai ona faaaau le tatou sao i le tala o le tupe a le Malo aemaise o le fesoasoani tau tupe e ala i le lagolagoina o le tatou au Manu Samoa Ta'ito'a 7 ma le Manu Samoa 15 faapea isi taaloga eseese. E le o faagaloina foi ia tatou faalapotopotoga faalotoifale e ala i fesoasoani tau seleni mo vaega e pei o faalapotopotoga faavae i le faakerisiano, o polokalame a autalavou, o polokalame a le soifua maloloina ma isi.

Ia viia ma faamanuina pea le Atua i ana faamanuiga ma le manuia o le SIFA i le 12 masina ua tuanai, tatou te faafetaia ma faaloalo ia te ia ma faanono manu ma valaau ia tumau pea ona fofoga alofa i luga ia i tatou.

Faafetai tapuai aua lea ua tini pa'o le uto i lenei tausaga fa'a le tupe e pei o faiva i vai. A iai ni aleu, lafoia i le alo galo.

Tuifaasisina Sieni Tualega-Voorwinden

PULE SILI

1. O le Puleaina ma Galuega Tauave a le SIFA

O le Pulega o Tupe Faava o Malo a Samoa (SIFA) o lo o puleaina e le Pule Sili (CEO) na tofia e le Kapeneta i luga o le fautuaga a le Minisita. O lo o tauaveina e le SIFA ia matafaioi faaletulafono e vaavaaia ia auaunaga tau tupe ma pisinisi faava o Malo i lalo o lana pulega e tusa ma alafua faava o Malo ua folasia mo teugatupe, inisiua ma kamupani laiseneina mo auaunaga tau mavaega ma auaunaga tau tupe faava o Malo.


O le SIFA o lo o faatonotonuina e le Fono a Faatonu, o lo o aofia ai Sui e 2 o le Malo (O Pule Sili o le Matagaluega o Tupe ma le SIFA), faapea ia Sui e 4 mai pisinisi tumaoti. O Sui mai pisinisi tumaoti e tataua ona i ai so latou malamalama talafeagai, poto masani ma se agavaa faapitoa e fesoasoani ai i le faatinoga o galuega. O le Taitaifono e filifilia mai i Sui e 4 mai pisinisi tumaoti.

O galuega tauave a le SIFA e tele i galuega tauletulafono ma galuega e mataituina ai pisinisi o lo o resitala ma e sini autu i le puipuiga ma le faatumauina o le ta'uleleia o le igoa o le tatou Nofoaga Tutotonu mo pisinisi tautupe faava o Malo, ia ma faalauiloa ia auaunaga eseese ma saili ia nisi auala e fia o mai ai tagata i Samoa ona o le tatou Nofoaga Tutotonu.

O nisi galuega tauave nei a le SIFA, e tusa ai ma le fuaiupu 4 o le *Tulafono o le Pulega o Tupe Faava o Malo a Samoa 2005*:

- ⇒ Ia mataitu ma vaavaaia le faatinoga o auaunaga tau tupe faava o Malo o lo o tuuina atu i totonu o Samoa;
- ⇒ Ia puipui ma tausisia le ta'uleleia o le igoa o Samoa e avea ai ma nofoaga tutotonu mo auaunaga tau tupe faava o Malo;
- ⇒ Ia faamautinoa le galulue faatasi o Ofisa a le Malo, o Faalapotopotoga Tumaoti, ma Faalapotopotoga e le o ni Faalapotopotoga a le Malo o lo o fesootai i auaunaga tau tupe faava o Malo;
- ⇒ Ia faalauiloa Samoa e avea ma nofoaga tutotonu mo auaunaga tau tupe faava o Malo;
- ⇒ Ia faia fautuaga mo le faaofiina o tulafono fou, teuteuga po o le sui o tulafono e faasino i auaunaga tau tupe faava o Malo, kamupani ma isi lava ituaiga o pisinisi;
- ⇒ Ia faatino su'esu'ega ma faia saili'iliga i vaega o pisinisi faava o Malo ma auaunaga e fesootai i ai;
- ⇒ Ia nafa ma le faatonotonuina o tulafono o auaunaga tau tupe faava o Malo ma le aoina o totogifuapau uma, o tau faaee atu, ma isi tupe maua ua tataua ona totogiina i lalo o ia tulafono;
- ⇒ Ia faailoa ma fautua le Malo i so o se mataupu e faasino i auaunaga tau tupe faava o Malo; ma
- ⇒ Faatino isi lava galuega tauave e faasino i auaunaga tau tupe faava o Malo e pei ona faia e se Poloaiaga mai le Ao o le Malo.

O le Ata leni ua fa'aalia ai le faatulagaga o le Pulega o Tupe Faava o Malo a Samoa (SIFA):



2. Faatulagaga o le SIFA

2.1 Fono a Faatonu

O le Vasega o le Komiti Faatonu a le Matagaluega ole SIFA ua gafa ma le iloiloina o taiala ma mataupu lautele ole Ofisa ma tuuina atu ile Kapeneta e tauala atu ile Minisita o Tupe. O le faailoina o tulaga ma matafaioi a le Vasega o Komiti Faatonu ale SIFA o loo faamatalaina ma auililiina atu i lalo ole Tulafono, Vaega 6 ole *Tulafono o le Pulega o Tupe Faava o Malo a Samoa 2005*.

Sui o le Komiti Faatonu a le SIFA:

Taimalie Ernest Betham (Ta'ita'ifono)
Taima'aiono Agnes Falelua Kerslake
Tufuga Fagaloa Tufuga
Galumalemana Patrick Rasmussen
Leasiosiofaasisina Oscar Malielegaoi

2.2 Pulega

O le Pulega ale SIFA o loo taitaiina ele Pule Sili o le Ofisa, tolu (3) Pule Lagolago ma Taitai ulu o Vaega e valu (8). O le Pulega ua gafa ma le vaaiga o galuega faatino a le Ofisa i aso taitasi.




Tutulai (A-T): Cheshire Malua – Pule Sili Lagolago Vaega e Mataituina le Tausisia o Tulafono, Li'o Heinrich Siemsen – Pule Sili Lagolago Vaega o Resitala, Aliimalemanu Kolisi Simamao – Taitai Vaega e Mataituina le Tausisia o Tulafono, Desmond Chan Ting – Taitai Vaega o Tupe.

Alala (A-T): Moana Ah Poe – Taitai Vaega mo Auaunaga Faa-Tekonolosi ma Auaunaga Fesoasoani, Rimoni Jahnke – Taitai Vaega o Resitala, Tuifaasisina Sieni Voorwinden – Pule Sili, Tuala Meseapa Tapuitema Lafaiailii-Petaia – Pule Sili Lagolago Vaega Pisinis ma Atina'e, Watsonia Fereti – Taitai Vaega o Pisinisi ma Atina'e, Taofinuu Kalala Mataia – Taitai Vaega o Resitala.

Le o iai i le ata: Tagaloa Koroseta Lesatele – Taitai Vaega mo le Auaunaga Faa-Tekonolosi, Luaipou Iosefa – Taitai Vaega o Resitala.

2.3 Faatulagaga o le SIFA



2.4 Afaigaluega a le SIFA



3. Tulafono e Faatonutonu ai Galuega a le SIFA

O le Pulega o Tupe Faava o Malo a Samoa (SIFA) sa faavaeina e tusa ma le *Tulafono o le Pulega o Tupe Faava o Malo a Samoa 2005* ma o lo o faafoeina ia tulafono ua taua i lalo. O le faamoemoe o le SIFA ia tausisia ia alafua faava o Malo ma nofo malamalama i suiga o lo o tutupu i le lalolagi i pisinisi o lo o faia, ma ua talafeagai ai le iloilo i taimi uma o a tatou tulafono.

1. *Tulafono o Kamupani Faava o Malo 1988*
2. *Tulafono o Inisiua Faava o Malo 1988*
3. *Tulafono o Faiga Faapaaga Faava o Malo ma Faiga Faapaaga Faatapulaaina 1998*
4. *Tulafono o Kamupani o Faaputugatupe Tumaoti Faava o Malo 2000*
5. *Tulafono o le Pulega o Tupe Faava o Malo a Samoa 2005*
6. *Tulafono o Teuga Tupe Faava o Malo 2005*
7. *Tulafono o Faaputugatupe Soofaatasi Faava o Malo 2008*
8. *Tulafono o Fefaatauaiga Faatekonolosi 2008*
9. *Tulafono o Kamupani Faava o Malo mo se Faamoemoega Faapitoa 2012*
10. *Tulafono o Mavaega Tausi 2014*
11. *Tulafono o Oa - Faavae Resitalaina 2016*
12. *Tulafono mo Kamupani Laiseneina mo Auaunaga Tau Mavaega ma Auaunaga Tau Tupe Faava o Malo 2017*

4. Galuega a le SIFA

Ina ia mautinoa o lo o ogatasi a tatou galuega ma alafua faava o Malo faapea ia suiga i isi atunuu ua lauiloa i galuega tautupe faava o Malo, ua faaaau ai pea le avea o le SIFA ma sui auai i faalapotopotoga eseese faava o Malo e pei o le:

- ⇒ Fono a Resitara o Kamupani (CRF);
- ⇒ Faalapotopotoga e Vaavaaia Tulaga Tau Inisiua Faava o Malo (GIICS)
- ⇒ Asosi Faava o Malo mo le Fuafuaina o Lafoga (ITPA);
- ⇒ Faalapotopotoga e Vaavaaia Tulaga Tau Auaunaga Tau Tupe Faava o Malo (GIFCS);
- ⇒ Fono Faa-le-Kelope a le Faalapotopotoga o Galuega Felagolagoai Tau le Tamaoaiga ma Atina'e mo le Faamaninoina ma le Fetufaiga o Faamaumauga mo Lafoga (OECD-Global Forum).
- ⇒ Asosi Faava o Malo a Supavaisa o Inisiua (IAIS)

O Vaega eseese o le SIFA o lo o faatinoina ma le toto'a ia galuega tauave ina ia ofoina atu se auaunaga e lelei atoatoa i ana paaga faapisinisi.

4.1 Vaega o Resitala

O le Vaega o Resitala e resitalaina ia kamupani faava-o-Malo, kamupani mo faaputugatupe tumaoti fava-o-Malo, o faaputugatupe soofaatasi, kamupani fava-o-Malo mo se faamoemoega faapitoa, faapea kamupani ua resitala ma laiseneina ma faamāusali le sa'o o faamaumauga o lo o teuina e pei ona atagia i le Resitala.

E tolu vaega ua vaevaina iai le Vaega o Resitala; o le Vaega e faationoina ma resitalaina kamupani i le Resitala o Kamupani (SRS); Vaega e teuina faamaumauga a kamupani, faia Apostille ma resitala aitalafu a kamupani; ma le Vaega e siakiina le atoatoa ma le sa'o o faamaumauga o lo o i le Resitala o Kamupani ma faila a kamupani.

O talosaga mo le resitalaina o se kamupani fou ma kamupani mai fafo e tuuina mai uma i le Resitala o Kamupani faava-o-malo tauala mai i Kamupani Tausi Mavaega ua Laiseneina i le SIFA. E USD300.00 e totogi mo le resitalanaina o se kamupani fou e aofia ai, le Faavae mo le faafoeina o le kamupani, Pepa Faamaonia mai Kamupani Laiseneina mo auaunaga tau mavaega ma auaunaga tau tupe faava-o-malo. ma le pepa e faailoa mai ai le ofisa o le kamupani i Samoa nei. Mo kamupani mai fafo e fia resitalaina mai i Smoa nei, e tele nisi pepa moomia e faapoopo i le Faavae ma le Pepa e faaailoa mai ai le ofisa o le kamupani i totonu o Samoa. E faigofie lava le faatuina o se kamupani ma e le sili atu ma le 24 itula e faagaioi ai le resitalaina. O le resitalaina o isi ituaiga pisinisi faava-o-malo o lo aiaia lava i lalo o tulafono eseese e talosaga mai ai, ma e ese foi fua faatatau o tupe totogi, e pei ona atagia i luga o upega tafailagi a le SIFA ma le Invest Samoa.

E ese mai la i le resitalaina o se kamupani fou ma kamupani mai fafo, e faatinoina uma foi e le Vaega of Resitala auaunaga eseese e patino lava i le faafoeina o se kamupani, e pei o le tuuina atu o le Faamaoniga o le Tulaga Lelei o se Kamupani, suiga o se igoa, kamupani ua talosaga mai e fia tapuina, faafouina o le resitala, fegaioioaiga o sea a kamupani, ma isi mea faapea.

O Ianuari ma Fepuari o masina ia e mataituina pea le maualuga ai o kamupani fou e resitala mai, ae o Novema ma Tesema o masina pisi ia o le tausaga ona o le vaitami lea e toe faafouina uma ai reistala o kamupani o lo o i luga o le Resitala. o le Vaega o Resitala.

E 1,314 kamupani faava-o-malo fou sa resitala ma faamauia ile tausaga faaletupe lenei. E oo mai i le aso o Iuni 2021, e 30,609 kamupani o lo o i luga o le Resitala. O le aofaiga atoa o kamupani ua resitala talu ona faatuina le SIFA e 87,554.

O le siitia o manaoga ma suiga faamallosia pea o taiala faava-o-malo ua aafia tele ai a tatou auaunaga tau pisinisi o lo o ofoina atu ma o lo o atagia i le pa'u o le numera o kamupani fou resitalaina i lenei tausaga faaletupe. E 11 kamupani tausua mavaega o lo o laiseneina, ma o lo o fesootai ai Samoa ma taga faipisinisi o le lalolagi.

O le maualuga o alafua ma le siitia o manaoga a o tatou tagata faipisinisi, o lu'itau ia mo le Vaega o Resitala ina ia ofoina atu la tatou auaunaga i se tulaga maualuga ma aloaia e atunuu o le lalolagi.

4.2 Vaega e Mataituina le Tausisia o Tulafono

O le Vaega e mataituina le Tausisia o Tulaga Aloaia ma Tulafono e vaavaaia ma mataituina galuega faatino a pisinisi faava-o-Malo ua laiseneina i lalo o tulafono faava-o-Malo o auaunaga tau tupe e iai ia Kamupani Laiseneina mo Auaunaga Tau Mavaega ma Auaunaga Tau Tupe Faava-o-Malo, Teuga Tupe Faava-o-Malo, Kamupani Inisiua Faava-o-Malo ma Kamupani o Faaputugatupe Soofaatasi Faava-o-Malo. O nei pisinisi Faava-o-Malo ua laiseneina e tuuina mai a latou ripoti ta'i kuata, afa tausaga, ma faamatalaga o tupe faaletausaga ua mae'a ona su'esueina e su'etusi ina ia faamaonia ai tulaga tau tupe, tulaga o tupe maua, tulaga o tupe faavae, tulaga lelei ma le gafatia ona totogi aitalafu, ia ma le lava o tupe o lo o iai. E tuuina mai foi lipoti faale tausaga e iloa ai ni suiga taua e pei o ituaiga pisinisi faatino, suiga o tagata i tofiga aloaia, suiga o e faisea ma tagata tonu e onaina ia kamupani ua mae'a faamaonia e le Ofisa Sili e tusa ai ma tulafono. O kamupani faava-o-Malo ma isi pisinisi e le laiseneina pe faatonutonu o lo o mataituina e ala i le tataua ona iai o faamatalaga o tagata e onaina ma faamatalaga tau tupe.

O lenei vaega e to'a 7 le afaigaluega o lo o nafa ma le mataituina o pisinisi faava-o-Malo ina ia mautinoa le tausisia o tulafono ma Taiala Faava-o-Malo. O lo o faaauau pea ona faalautele le malamalama o le afaigaluega e ala i le auai i semina ma aoaoga e faatautaia e vaega faava-o-Malo e fausia taiala e faatino i luga o fesootaiga o upega tafa'ilagi talu ai aafiaga o le Koviti-19. O nei fonotaga faava-o-Malo ua maua ai le avanoa e auai uma ai le afaigaluega e le pei o le tulaga sa iai e to'atasi pe to'alua e mafai ona auai.

O tulafono autu o lo o ofoina atu ia auaunaga ma le tautua mo e o lo o faaogaina le tatou nofoaga autu tau tupe faava-o-Malo e aafia ai ma le mataituina e iai le *Tulafono o Kamupani Faava-o-Malo 1988, Tulafono o Inisiua Faava-o-Malo 1988, Tulafono o Faiga Faapaaga Faava-o-Malo ma Faiga Faapaaga Faatapulaaina 1998, Tulafono o Teuga Tupe Faava-o-Malo 2005, Tulafono o Faaputugatupe Soofaatasi Faava-o-Malo 2008, Tulafono o Mavaega Tausi 2014, Tulafono o Oa – Faavae Resitalaina 2016, Tulafono o Kamupani Faava-o-Malo mo se Faamoemoega Faapitoa 2012, Tulafono o Kamupani o Faaputugatupe Tumaoti Faava-o-Malo 2000, Tulafono mo Kamupani Laiseneina mo Auaunaga Tau Mavaega ma Auaunaga Tau Tupe Faava-o-Malo 2017, Tulafono o le Pulega o Tupe Faava-o-Malo a Samoa 2005, , Tulafono mo le Puipuia Mai Tupe e Faaofi Mai Faasolitulafono 2007, Tulafono i le Fetufaina o Faamatalaga Tau Lafoga 2012 ma le Tulafono e Tetee Atu i Faiga Faatupu Faalavelave 2014.*

I lenei tausaga faaletupe, e 2 taamilosaga o asiasiga sa faatino i Kamupani Laiseneina mo Auaunaga Tau Mavaega ma Auaunaga Tau Tupe e 5 aupito i tele kamupani faava-o-Malo o lo o resitalaina ai ina ia mautinoa le iai ma faigofie ona maua faamaumauga tau tupe ma faamatalaga o tagata tonu e onaina ia se kamupani. O nei asiasiga faaauau o se pine faamau o le naunautaiga o Samoa i le faatumauiina ma le

faaleleia o lona tulaga o iai o se atunuu ua ausia le tele o vaega moomia e le OECD talu mai Setema 2019. Talu ai vavao o le faama'i ua alia'e ai faafitauli ma ua toloia ai asiasiga sa fuafua mo le kuata muamua o le 2020. Ae peitai, sa mafaia lava e le aufaigaluega ona faatino ia asiasiga i le kuata lona lua o le tausaga ma le tasi sa faia i le kuata muamua o le 2021.

O lo o naunauta'i foi lenei Vaega ia tatou galuega fai faatasi ina ia aveeseina Samoa mai le Lisi a le Luni o Europa o atunuu e le tausisia aiaiga i tulaga tau lafoga i se taimi vave ina ia faasaoina lenei foi alamanuia mo kamupani mai fafo ma faaauau ona faisaofaga pea i le tatou tamaoaiga aemaise le tauleleia ai o o le tatou nofoaga o kamupani faava- o-Malo e lelei ma mausali i le lalolagi.

I le faaiuga o Luni 2021 e lua (2) laisene mo Teugatupe Faava-o-Malo sa faamauina ai le aofaiga o aseta e 23 miliona tala Amerika o se siitaga e 20 % mai le tausaga faaletupe ua tuana'i. O lenei siitiaga e mafua mai i tupe nono atu i isi Kamupani. I tupe faavae sa faamauina ai le 7.2 miliona tala Amerika.

E lua Kamupani Inisiua Faava o Malo, sa ripotina le pa'u o le aofaiga o aseta i le 2 % i le 57.2 miliona tala Amerika. O le pa'u e mafua mai i tupe nono atu i isi Kamupani. E 1% na siitia ititi ai tupe faavae o kamupani inisiua faava-o-Malo i le 34.1 miliona tala Amerika.

O kamupani faava-o-Malo o lo o laiseneina ma resitalaina i le SIFA i le faaiuga o lenei tausaga faaletupe:

<i>Auaunaga o lo o Laiseneina</i>	<i>Aofai</i>
<i>Kamupani Laiseneina mo Auaunaga Tau Mavaega ma Auaunaga Tau Tupe Faava o Malo</i>	11
<i>Teuga Tupe Faava o Malo</i>	2
<i>Kamupani Inisiua Faava o Malo</i>	2
<i>Pule ma Foe o Faaputugatupe Soofaatasi Faava o Malo</i>	3
<i>Kamupani mo Faaputugatupe Soofaatasi Faava o Malo</i>	4
<i>Pule o Kamupani Inisiua Faava o Malo</i>	2
<i>Su'e Tusi</i>	17
<i>Fa'amaape Oa</i>	14

4.3 Vaega o Tupe ma Faafoega:

4.3.1 Vaega o Tupe

I leni tausaga faaletupe, sa taumafai ai le Vaega o Tupe e ausia se tulaga maualuga i ana galuega tauave e aofia ai le faamaumau lelei o faamatalaga, le tuufa'atasia o faamatalaga tau tupe faapea le malupuipua o faamatalaga tau tupe e fesoasoani ai i le Fono a Faatonu ma le Pulega i a latou faaiuga fai.

O le iai o le polokalame faapitoa o le **FRONT ACCOUNTING** ua mafai ai e le Vaega o Tupe ona tapena ia lipoti faalemasina, faalekuata ma le tausaga atoa i se taimi vave i le lelei atoatoa ma le faatuatua.

O le sueina e Su'etusi o Faamatalaga Tau Tupe mo le tausaga faaletupe 2020/2021 sa amata i le aso 6 Iulai 2021 ma faamae'a ma sainia i le aso 25 Oketopa 2021.

I lona aotelega, o se tausaga manuia leni mo le Vaega o Tupe.

4.3.2 Vaega mo le Auaunaga

O le pito laau ma le manulauti autu a le Vaega o loo gafa ma le Auaunaga, o le faafoeina, puleaina, fesoasoani ma le tagofiaina o mataupu uma e feso'ota'i ma tagata faigaluega e aofia ai ma galuega ma tulafono fa'atonutonu/pulega fa'atonutonu. O leisi foi matafaii ale vaega ole vaaia lea o faagaioina o aseta aemaise le atinaeina ma le faatumauina ole auaunaga ile poto masani ma le malamalama lelei ina ia faatinoina le auaunaga ile laasaga pitosili ona lelei ma taua mo le Ofisa.

I le taimi nei e 12 le Pulega ae 36 le Auaunaga. Na fa'afaigaluegaina e le Ofisa ni tagata faigaluega fou mo Fa'amatalaga Tekonolosi fou ia Tesema 2020. E toalua le auaunaga le tumau na faafaigaluega e le Ofisa ia Mati 2021 ma ua galulue nei ile Vaega ole Resitala mo se vaitaimi le tumau e sefululua masina.

4.3.3 Vaega mo Auaunaga Faa-Tekonolosi ma Auaunaga Fesoasoani

E (10) sui o le Vaega mo Auaunaga Faa-Tekonolosi ma Auaunaga Fesoasoani, e to'atolu (3) o lo o nafa ma le tapenaina o tulafono e lima taitaiina ai le auaunaga i faiga faavae mo le faaogaina o masini komepiuta ma polokalame faa-tekonolosi i totonu o le Ofisa. E fesoasoani foi i le auaunaga i le fa'aaogaina o masini komepiuta aemaise o le faaleleia ma le malupuipua o masini uma. Sa latou auai foi i aoaoga faa-tekonolosi sa faatino i luga o initaneti ina ia mata'ituina suiga ma ia faatumauina le malamalama i faiga faavae a le Malo.

E (7) sui mo auaunaga fesoasoani e nafa ma matafaii e pei o le faatauina o oloa moomia, faafeiloa'i malo ma le mamalu o le atunuu asiasi, feavea'i le auaunaga, faamama ma faaleleia vaega uma o le Ofisa ma le lisiina o le fale o lo o faafoe ai galuega i le taimi nei.

4.4 Vaega o Pisinisi ma Atina'e

Sa faataunuu ina i se tulaga atoatoa galuega fai a le "Vaega o Pisinisi ma Atinae" e tusa ai ma nafa tausí e lima (5) o nafa tausí e sefulu (10) o lo o i le Tulafono Autu a le SIFA 2005 e ui i le anoanoa'i o luitau mai le fa'ama'i o le Koviti 19.

I le faatinoga o galuega faalauiloa, sa suia le faatinoga o galuega i le faaogaina o auala o tekonolosi mo fesoootaiga ona o le tapu i femalagaaiga a atunuu ona o le Koviti 19. O semina ma a'oa'oga sa faatino ina uma i auala o upegatafailagi.

O se laasaga taua sa ausia e le Vaega o Pisinisi ma Atinae faatasi ma le SIFA i le faatinoga o ana galuega faalauiloa na ausia ia Tesema 2020 e ala i le faatu ina o le Kamupani Tu Ma Oti a le SIFA o le Kamupani mo Pisinisi Faava o Malo (Samoa IBFC). O le faa tu ina o le Kamupani tu ma oti lenei o le a gafa tonu ma le faatino ina o galuega faa lauiloa sa faatino ina e le Vaega o Pisinisi ma Atinae ma e iai le manatu o le a mafai ona tutoatasi lenei kamupani i ona tulaga uma i le lumanai. O lenei laasaga taua o se miti po o se fuafuaga ua leva ona tapena iai le SIFA i lana pulega ma le komiti faatonu ina ia ausia lenei tulaga taua ae maise le fuafua mamao e siitia pisinisi ma tupe maua a le Ofisa e ala lea i le faatu ina o se kamupani e patino tonu iai nafa faa lauiloa ina ia faaitiitia ai foi atugaluga sa maitau mai e faalapotopotoga tetele o le lalolagi i le faatino ina uma e le SIFA o galuega o va'avaaiga ma galuega faa maketi.

Ua maea foi ona tapena ma pasia se saina faailo e faailo ai le igoa fou o le kamupani a le Samoa IBFC.

Talu ai ona o lo o tapunia pea ala o femalagaaiga ma atunuu mamao o lea ua faatino lava galuega faa lauiloa i ona tulaga eseese e ala atu i upega tafailagi. Sa ta'imua le Vaega o Pisinisi ma Atinae i le faatino ina o a'oa'oga, semina ma fonotaga faa lauiloa a le SIFA ma ana paaga e ala atu i auala o tekonolosi e faailo ai i ana paaga i maketi i Asia, Saina, Sigapoa ma Sasae Tu Totonu vaega eseese o tulafono faa va o malo a Samoa e mafai ona teu faafaigaluega ai a latou tupe ma o'a.

Sa faaauu pea faiga paaga a le SIFA ma le kamupani maketi faava o malo o le MX Media e ala lea i le taga'i i auala e mafai ai ona ofoina atu auunaga tau tupe, tatala ina o tusi tupe mo pisinisi faava o malo ma le iai foi o se tagata faigaluega mo galuega faa maketi a le SIFA i totonu o Saina na te iloiloa ina pisinisi uma ma i latou o lo o sailia auunaga mo pisinisi faa va o malo a Samoa o lo o ofoina atu e le SIFA. O nei faiga paaga e aofia ai foi nisi o semina sa faatautaia faatasi a le Vaega o Pisinisi ma Atina ma le a'u faigaluega a le MX Media lea e fesoootai ai ma ofisa loia, ofisa tausí mavaega ma ofisa tausí tusi i totonu o Saina.

I le tulaga tau lagolago, ua maitauina le le taunuu o nisi o taamilosaga taaloga faa va o malo sa masani ona fesoasoani ai le SIFA e pei o le a'u lakapi tai toa fitu a le Manu Samoa i lona auai atu i le HSBC Sevens. Peitai, sa faaauu pea ona faamatuu atu e le SIFA vaega tupe talafeagai e lagolagoina ai le itu tau taaloga faapea ni isi o faamoemoe o lo o faatalosagaina e le tele o faalapotopotoga a nu'u, Ekalesi, alalafaga ma faalapotopotoga i totonu o le atunuu.

Sa tuuina atu foi fesoasoani lautele i isi vaega o le atunuu e le masani ona oo i ai le fesoasoani, e aofia ai le falemai mo tamaiti i Motootua, aoaoga, puipuiga o meaola, polokalame o lo o nafa ma le atinaeina o olaga o tupulaga talavou ua aafia ona o soligatulafono, polokalame faaleagagaga ma le maota i Mapuifagalele.

5. Atina'e

5.1 Aoaoga Tau Tomai Faapitoa & Fonotaga Faaleaoaoga

- ⇒ 3 – 9 Iulai 2020 – Fonotaga Lona 35 a le Vaega e iloiloina ia le Faamaninoina ma le Fetufaiga o Faamaumauga mo Lafoga (PRG) a le Faalapotopotoga o Galuega Felagolagomai Tau le Tamaoaiga ma Atinae (OECD)
- ⇒ 9 Iulai 2020 - Fono Faaletausaga a le Faalapotopotoga e Vaavaaia Tulaga Tau Inisiua Faava o Malo a Atunuu Iaiti e iai a latou Nofoga Tutotonu mo pisinisi faava-o-Malo (GIICS).
- ⇒ Vaega e Iloiloina le Ripoti Faaauau a Solomona i le Mae'a ai o le latou Ripoti mo le Taofia o le Faaofiina mai o Tupe mai Auala Faasolitulafono ma le Taofia o le Faatupeina o Faiga Faatupu Faalavelave (MER) 2019
- ⇒ 23-25 Setema 2020 – O le Koneferinisi Tuufaatasi a le OECD mo le Vaega o lo o nafa ma le Manino ma le Fetufaaiga o Faamatalaga tau i Lafoga faapea le Faletupe o Atinae a Asia – “Lona 4 o Koneferinisi i luga o Upega Tafa'ilagi i le iai o Faamatalaga i Tagata tonu e ona ia Kamupani ma pisinisi i le Pasifika ma Asia.”
- ⇒ 25 Setema 2020 –Aoaoga i le Iloiloina o Faamaumauga ma Suesuega a le Faalapotopotoga e Vaavaaia Tulaga Tau Inisiua Faava o Malo (GIICS),
- ⇒ 20 Oketopa 2020 – Fonotaga a le Faalapotopotoga e Vaavaaia le Tulaga o Auaunaga Tau Tupe Faava-o-Malo (GIFCS)
- ⇒ 19 – 22 Oketopa 2020 – O le Koneferinisi a Supavaisa o Faletupe (ICBS) e faalua i le tausaga ona fai.
- ⇒ 17 – 19 Novema 2020 - Fonotaga Lona 36 a le PRG, o se vaega o le OECD mo le Faamaninoina ma Fetufaiga o Faamaumauga mo Lafoga (OECD) e tusa ai ma fuafuaga faavae mo talosaga.
- ⇒ 24 Novema 2020 – O le Vaega a Asia ma le Pasefika (APG) ma le Faalapotopotoga Autu mo le Faatinoina o Fuafuaga (FATF) I faatalanoaga ma Vaega Tumaoti e Faasoa ma Fetufaai i le Manino o Faamatalaga o Tagata e ogatonuina se mea ua faatulafonoina.
- ⇒ 3 Tesema 2020 – Fonotaga a le Vaega e iloiloa ma su'esu'ea ia atunuu o le Pasefika ma Asia (APG).
- ⇒ 2 – 4 Tesema 2020 – Fono Faaletausaga a le Asosi Faava o Malo a Supavaisa o Inisiua (IAIS) ma le Koneferinisi Faaletausaga Lona 27.
- ⇒ 11 -21 Ianuari 2021 – Fonotaga ma Sui o le Faaputuga Tupe Faava-o- Malo (IMF), I lalo o Aiaiga Lona 4 o Galuega Fai.
- ⇒ 2 – 5 Fepuari 2021 – Aoaoga Faapitoa a le Faalapotopotoga a le Pasefika ma Asia (APG) i auala faasolitulafono.
- ⇒ 3 – 4 Fepuari 2021 – Semina a le Faletupe mo Fefaatauaiga Faava o Malo (BIS) e faatatau i faletupe mo faletupe
- ⇒ 16 Fepuari 2021 - Seminā a le RAK mo O'a Resitalaina,
- ⇒ 23 – 26 Mati 2021 - Fonotaga o Metotia Fou mo Faletupe a le BIS.
- ⇒ 31 Mati 2021 2021 - Semina a le Samoa IBFC – Resilience and Reinvention: Samoa's Solution to Global Change
- ⇒ 12 Aperila 2021 – Foonotaga o Fesootaiga Faaitulagi ma le Fetufaai o Faamatalaga a le ECOFEL.
- ⇒ 13 Aperila 2021 –Fonotaga o le Komiti o Galuega Fai a le APG i le Faaitiitia o Aafiaga le Mafaufauina o Taiala a le FATF.
- ⇒ 20 Aperila 2021 – Fonotaga a le Komiti Faapitoa mo le Lauliliuina o Taiala e iloilo ai Atunuu a le FATF.
- ⇒ 20 Aperila 2021 – Fonotaga mo Aseta Faanei Ona Po, APG PSCF.
- ⇒ 22 Aperila 2021 – Fonotaga a le BIS ma le Faletupe a Iapani i aafiaga ogaoga sa feagai ma latou.
- ⇒ 28 Aperila 2021 – Fonotaga Faaitu Lagi a le APG mo le Mataituina o Faalapotopotoga e le ni Fale Tupe ao Pisinisi ma Auaunaga ma Tomai Faapitoa (DNFBP).
- ⇒ 29 Aperila 2021 – Fonotaga a le GIICS e faatatau i mala faalenatura.
- ⇒ 29 Aperila 2021 – Fonotaga a sui auai uma a le GIICS.
- ⇒ 29 Aperila 2021 – Fonotaga a le Komiti o Iloiloga a le APG.
- ⇒ 17 – 20 May 2021 - Fonotaga Lona 37 a le PRG o se vaega o le OECD.

- ⇒ 18 – 20 Me 2021 - Fonotaga Faalauiloa a le China Offshore Summit
- ⇒ 27 Me 2021 - Fonotaga a le Komiti Faapitoa mo le Lauliliuina o Taiala a le FATF.
- ⇒ 31 Me – 1 Iuni 2021 – Fonotaga a le FATF AGSR.
- ⇒ 16 Iuni 2021 - Fonotaga faaitu lagi a le APG mo le mataituina o Faalapopotoga e le ni fale tupe ao Pisinisi ma Auaunaga ma Tomai Faapitoa (DNFBP).
- ⇒ 23 - 24 Iuni 2021 – Semina Aoao a le IAIS.

5.2 Resitala Faatekonolosi

O lo o faaauau pea le faaleleia o le polokalame faatekonolosi o lo o fa’aaogaina e le SIFA mo le resitalaina o kamupani e ala lea i le faaopopo o auala faatekonolosi fou e faaitiitia ai nisi o faiga o lo o faatino i auala tuai ma ia faamautinoa ai le malu puipua o faamatalaga.

Ua iai nei i luga o lea polokalame faatekonolosi se faiga fou ua mafai ai nei ona silafia e Kamupani Laiseneina mo Auaunaga Tau Mavaega ma Auaunaga Tau Tupe Faava o Malo se faamaoniga o Kapumani ua maea ona toe faafou. O leni faamaoniga tusitusia e mafai ona sefe e le Kamupani Laiseneina mo Auaunaga Tau Mavaega ma Auaunaga Tau Tupe Faava o Malo mo latou faamaumauga. O le taimi muamua leni ua mafai ai ona faatinoa lea faiga fou.

5.3 Kalapu a le Auaigaluega

I le 12 masina talu ai, o mea taua sa faatino e le Kalapu a le Auaigaluega e aofia ai: **Suega Tupe** – Uokafoni, Faleoloa ma Mufti i masina taitasi. **Mea fai a le Ofisa** – tauvaga Superhero, tauvaga Karaoke, tauvaga pese lotu, Faatauaina o le Aso oTina/Tama, Faatauaina o le Aso Sa Pa’epa’e, Aso mo le Auaigaluega a le Malo, Fiafia o le Kerisimasi e Faama ai le Tausaga, o Failauga Faapitoa ma Aso mo Tonati e mafuta ai le auaigaluega ma talatalanoa. E le gata i lea sa asia foi ia pepe fou, auai i faaipoipoga, faamavae ma i latou ua tuua le Ofisa, asiasi i latou sa gasegase, ma patipatia soifua ua fai i le lagi le folauga. I lona aotelega, ua mafai e le kalapu a le Auaigaluega ona faataunuu lona faamoemoe o le faamalosiua i le Auaigaluega a le SIFA ina ia maua se siosiomaga lelei e galulue ai.

6. Taunuuga o Galuega Tau Tupe a le SIFA

Otootoga o faamatalaga o Tupe ua Sueina Faasuetusi:

Tulaga tau Tupe:


Ua faamauina le siitia ai o aseta a le SIFA i le 0.6 pasene mai le SAT98.6 miliona i le tausaga ua mavae i le SAT99.2 miliona i lenei tausaga. O nei aseta e tele i tinoitupe ma teugatupe e tusa ma le 93 pasene.

Galuega tau Tupe:

Ua faamauina le 6.5 pasene ua faaititia ai Tupe Maua a le SIFA mai le SAT30.8 miliona i le SAT 28.8 miliona ua faamauina i le faaiuga o Iuni 2021. O lenei faaititiga e mafua mai i le faaitita ai o tupe maua mai i le tuufaatasiina o kamupani faava o Malo ma auunaga e toe faafouina ai ia kamupani lesitala faatasi ai ma le tuuititia ai o tului mo teugatupe faavaitaimi i faletupe.

Ua faamauina le faaititia o Tupe Faaalu i le 1.1 pasene mai le SAT7.4 miliona i le SAT7.3miliona i le tausaga faaletupe lenei. O lenei faaititiga e mafua mai i le leai o se tau faamuta o le fale i le faaiuga o Iuni 2021 e faatusatusa i le SAT.272 miliona i le faaiuga o Iuni 2020. O le aofa'i o Tupe Mama uma a le SIFA i lenei tausaga e faaiuina i le Aso 30 Iuni 2021 e SAT21.4 miliona ma o se faaititiga e 8.2 pasene mai le SAT23.3 miliona i le tausaga talu ai.

ATA 1:



FAAMATALAGA TAU TUPE

Lipoti a Faatonu	23
Faamatalaga a le Pulega	25
Lipoti a le Su'etusi Tuto'atasi	26
Faamatalaga o le Tuufaatasiga o Meatotino ma Aitalafu	28
Faamatalaga o Tupe Maua ma Tupe Fa'aalu	29
Faamatalaga o Fesuaiga o Tupe Faavae	30
Faamatalaga o Tupe Fetafea'i	31
Faamatalaga Tau Tupe	32

**Pulega o Tupe Faava o Malo a Samoa
Lipoti a Faatonu
Mo le Tausaga Faale-Tupe e Faaiuina i le Aso 30 Iuni 2021**

E tuuina atu e le Fono a Faatonu le latou Lipoti faatasi ai ma Faamatalaga Tau Tupe Faava o Malo a Samoa (“SIFA”) mo le tausaga faaletupe e faaiuina i le Aso 30 Iuni 2021, faapea ia le Lipoti a le Su’etusi e tusa ai ma le *Tulafono o le Pulega o Tupe Faava o Malo a Samoa 2005* (“Tulafono a le SIFA”).

Faatonu

O Sui nei o le Fono a Faatonu a le SIFA ao faagasolo le tausaga e oo mai i le taimi o lenei Lipoti:

Taimalie Ernest Betham (Ta’ita’ifono)

Galumalemana Patrick Rasmussen

Taima’aiono Agnes Falelua Kerslake

Leasiosiofaasisina Oscar Malielegaoi

Tufuga Fagaloa Tufuga

Tu’u’u Amaramo Sialaoa na faamaeaina lana auaunaga i le masina o Oketopa 2020 ma sa sui tulaga e le Afioga ia Taima’aiono Agnes Falelua Kerslake. O Sui o le Fono a Faatonu ua tofia e galulue mo le umi e 3 tausaga.

Galuega Autu

O galuega autu a le SIFA o le mata’itu ma vaava’ai le sologa lelei o le faatinoga o auaunaga tau tupe faava o Malo i Samoa. E le’i iai se suiga i galuega autu po o se suiga foi i ituaiga auaunaga o lo o faia.

Tulaga o lo o iai Galuega a le SIFA

I le manatu o Sui Faatonu:

- (i) O Faamatalaga o Tupe Maua ma Tupe Faaalu, Faamatalaga i Fesuaiga o Tupe Faavae ma Faamatalaga o Tupe Fetafeai, ua tapenaina ia atagia lelei ai le tulaga tonu o lo o iai ia galuega a le SIFA ma o latou taunuuga mo le tausaga e faaiuina i le Aso 30 Iuni 2021;
- (ii) O Faamatalaga i le Tuufaatasiga o Paleni o Meatotino ma Aitalafu ua tapenaina ia atagia lelei ai le tulaga o lo o iai le tamaoaiga o le SIFA i le aso 30 Iuni 2021.

Taunuuga o Galuega a le SIFA

O tupe mama mo lenei tausaga e SAT21,447,754 (2020: tupe mama SAT23,362,925).

Faaputugatupe Lautele

Na faamaonia e le Fono Faatonu le vaega tupe e SAT22,295,549 e totogi atu i le Malo o Samoa mo lenei tausaga faaletupe e faai’uina i le aso 30 Iuni 2021. O le aofa’iga atoa e aofia ai le SAT15,000,000 mo le saofaga e tu’uina atu i le tala faatatau o le tupe a le Malo faatasi ai ma le SAT7,295,549 o tupe totogi atu tauala atu i le Matagaluega o Pisinisi Tumaoti.

**Pulega o Tupe Faava o Malo a Samoa
Lipoti a Faatonu (faaaauau)
Mo le Tausaga Faale-Tupe e Faaiuina i le Aso 30 Iuni 2021**

Tupe e totogi faasili i le Malo

O le aofaiga atoa e SAT7,295,549 na totogi atu i le Matagaluega o Pisinisi Tumaoti mo le tausaga faaletupe e faai'uina i le aso 30 Iuni 2021.

Mataupu tutupu talu mai le aso mulimuli o le tausaga faaletupe

E leai ni mataupu na tutupu talu le faai'uina o le tausaga faaletupe e moomia ai se suiga po o se faailoa i totonu o faamatalaga tau tupe.

Apia, Aso 25 Oketopa 2021

Sainia e tusa ai ma lugafono a Sui o le Fono Faatonu



Taimalie Ernest Betham
TA'ITA'IFONO



Galumalemana Patrick Rasmussen
FAATONU

**Pulega o Tupe Faava o Malo a Samoa
Faamatalaga a le Pulega o le SIFA
Mo le Tausaga Faale-Tupe e Faaiuina i le Aso 30 Iuni 2021**

O Faamatalaga Tau Tupe ua tapenaina o le matafaioi lea a le Pulega o le SIFA (Pulega). Ua tapenaina e tusa ma Alafua Faava o Malo mo le Sauniaina o Lipoti Tau Tupe ma e aofia ai aofaiga na fuafua ma faatatau lelei e le Pulega.

Ua mae'a tapena ma faatulaga e le Pulega auala faatausi tusi e aofia ai ta'iala tusitusia ma auala masani e limata'ita'iina ai tulaga uma tau tausi tusi. O nei faiga e mafai ai ona talitonuina faamatalaga tau tupe ua tapenaina; atoa ai ma le malu puipuia o aseta a le SIFA.

O le Fono a Faatonu e mata'ituina le Pulega i le faatinoga o matafaioi e faatatau i Faamatalaga Tau Tupe. Ua mae'a foi ona silasila le Fono a Faatonu i Faamatalaga Tau Tupe ua tapenaina ma ua latou faamaonia e tusa ai ma fautuaga a le Pulega o le SIFA.

O le Su'etusi Sili o le Malo Tutoatasi o Samoa na su'esu'eina Faamatalaga Tau Tupe ua tapenaina. Ua tuuina atu foi le latou lipoti o lo o faamatalatala ai vaega na aafia i a latou su'esu'ega ma le latou manatu faasuetusi.



Tuifaasisina Sieni Voorwinden

PULE SILI

Aso: 25 Oketopa 2021



AUDIT OFFICE

Please address all correspondences
to the Controller and Auditor General

LIPOTI A LE OFISA SUETUSI

MO FAATONU O PULEGA – PULEGA O TUPE FA'AVA-O-MALO A SAMOA

Manatu Fa'asuetusi

Ua mae'a ona matou su'eina Faamatalaga Tau Tupe o lo'o faapipi'i faatasi atu a le Pulega o Tupe Fa'ava-o-Malo a Samoa, e aofia ai le Faamatalaga Tau Tupe e pei ona iai i le aso 30 Iuni 2021, ma Faamatalaga o Tupe maua ma tupe fa'aalu, fa'amatalaga o fesuiaiga o tupe faavae, ma fa'amatalaga o tupe fetafea'i, mo le tausaga e pei ona faai'uina ai, fa'atasi ai ma le oototoga o tu'utu'uga iloga faatausi tusi ma faamatalaga faaopoopo. O Suetusi Aloaia Fa'alauaitetele, XSAO Consult Ltd, na fesoasoani i lenei suega o tusi. Sa ta'ita'ia lenei galuega ua fa'ai'uina i lenei manatu po'o le lipoti Fa'a-Suetusi Tutoatasi e Violet Roebeck-Fasavalu.

I lo matou manatu, ua tuuina mai Faamatalaga Tau Tupe se vaaiga e tonu ma talafeagai le tulaga tau tupe a le Pulega o Tupe Fa'ava-o-Malo a Samoa, e pei ona iai i le aso 30 Iuni 2021, ma ana faatinoga faale-tupe, fesuiga o tupe faavae, ma ana tupe fetafeaa'i mo le tausaga na faai'uina ai e tusa ai ma Aiaiga Fa'ava-o-Malo i le Fa'alauiloaina o Lipoti Fa'ale-tupe.

Fa'avae o le Manatu Fa'asuetusi

Sa fa'atino la matou su'ega e tusa ai ma Aiaiga Faa-Su'etusi Fa'ava-o-Malo. O la matou matafaioi i lalo o nei aiaiga o lo'o fa'amanino atili atu i le vaega o Matafaioi Fa'a-Suetusi mo le su'ega o Fa'amatalaga Tau Tupe i lenei lipoti. E tutoatasi le Su'etusi mai le Pulega o Tupe Fa'ava-o-Malo a Samoa e tusa ai ma Aiaiga Fa'ava-o-Malo Fa'a-tausi Tusi e manaomia lo matou tautu i manaoga amiotonu talafetaui e fa'atatau i le auaunaga Fa'a-Su'etusi i totonu o Samoa. Ua matou faamalieina uma tulaga mo'omia o Aiaiga Faava-o-Malo e pei ona taua i luga. Ua matou talitonu e fa'apea o mau Fa'a-Suetusi na matou maua ua lava ma fetau e tuuina mai ai se fa'avae mo lo matou manatu Fa'a-Suetusi.

O le Matafaioi a le Fono a Faatonu ma le Pulega Mo Faamatalaga Tau

Tupe

O le Fono a Faatonu ma le Pulega, e ia te i latou le matafaioi mo le saunia ma le tu'uina aloaia mai o nei Fa'amatalaga Tau Tupe ina ia tusa ai ma Aiaiga Fa'ava-o-Malo i le Fa'alauiloaina o Fa'amatalaga Tau Tupe. O lenei matafaioi e aofia ai le fuafuaina, le faatinoina, ma le faaauuina o pulega faalotoifale talafeagai, le filifilia ma le faaogaina o faiga fa'avae Fa'atausi Tusi ua talafetaui ma le saunia ma le tuuina aloaia mai o Fa'amatalaga Tau Tupe e fa'apea ua saoloto mai sēsē matuia, e fa'aono mafua mai le sasi po'o amio pi'opi'o.

I le saunia o Fa'amatalaga Tau Tupe e tatau i le Fono Fa'atonu ma le Pulega ona fa'amaunoina le mafai ai e le Pulega o Tupe Fa'ava-o-malo a Samoa, o le fa'auuina o ana galuega ma fa'agaioiga fa'ale-tupe ma fa'ailoa i le tulaga e tatau ai mataupu e a'afia ai le lumana'i fa'auuau ma fa'aaogā ai le talitonuga maumaututu i lenei lumana'i fa'auuau sei vagana ai ua ta'atia se fa'amoemoe o le Fono Fa'atonu ma le Pulega, e tapunia le Pulega o Tupe Fa'ava-o-malo a Samoa ma taofia uma ana galuega po'o le leai foi o se isi fa'amoemoe maunoina e toe fa'auuau ai.

O le Fono a Faatonu, e nafa ma le mata'itūina o le sologa lelei o Fa'amatalaga Tau Tupe a le Pulega o Tupe Fa'ava-o-malo o Samoa.

Matafaioi a le Suetusi

O le sini autū o le su'ega o tusi, o le fa'aalia lea o se manatu i luga o Fa'amatalaga Tau Tupe e ala i lipoti e aofia ai ma le manatu Faa-Su'etusi e fa'avae i luga o mau talafeagai e tusa ai ma aofaiga ma folasaga i totonu o nei Fa'amatalaga, e aofia ai foi ma le auililiina o fa'afitauli mai fa'amatalaga sese matuiā, pe afua mai i amio pi'opi'o po'o le sasi. O a matou mau e maua ai se fa'amaoniga talafeagai peita'i e lē mafai ona maua se maunoina atoatoa pe maua uma ni sese po'o ni sasi o iai i Fa'amatalaga Tau Tupe tusa lava pe fa'atinoina se suega e tusa ai ma



AUDIT OFFICE

Please address all correspondences
to the Controller and Auditor General

Aiaiga Faa-Suetusi Fa'ava-o-Malo. E mafai ona iai ni fa'amatalaga sese e afua mai i amio pi'opi'o po'o le sasi ma e mafai ona matuiā lona a'afiaga i le aotelega atoa, ma e ono a'afia ai fuafuaga i mataupu tau tupe a i latou o le a fa'aogaina Fa'amatalaga Tau Tupe ma fa'avae mo nei fuafuaga.

E tusa ai ma Aiaiga Faa-Su'etusi Fa'ava-o-Malo, e faatino la matou su'ega i le tulaga maualuga ma le tomai fa'apitoa. E faapea foi ona matou:

- Fa'ailoa ma auilili ni lamatiaga o fa'afitauli mai fa'amatalaga sese matuiā o Fa'amatalaga Tau Tupe, pe afua mai i ni amio pi'opi'o po'o le sasi, fausia ma faatino gaoioga e tali atu i nei lamatiaga, ma faamauina mau faasu'etusi e atoatoa ma talafeagai mo fa'avae o le manatu Fa'a-Su'etusi. O le lamatiaga o le lē maua o fa'afitauli mai fa'amatalaga sese matuiā e afua mai i amio pi'opi'o e ogaoga atu nai lo'o tulaga sasi, ona o amio pi'opi'o e aofia ai fefinauaiga, pepelo, ave ese ma le iloa, fa'amatalaga sese, po'o le soloia o puipuiga fa'alotoifale.
- Silafia puipuiga fa'alotoifale e talafeagai i le su'ega mo le fausia o gaoioga talafeagai i ia tulaga ae lē mo le faamoemoe e fa'aalia se manatu i le lelei o puipuiga fa'alotoifale.
- Iloilo le tulaga talafeagai o faiga fa'avae Fa'atausi Tusi sa fa'aogaina ma le talafetaui o fua fa'atatau Fa'a-tausi Tusi ma fa'amatalaga feso'otai a le fono a Fa'atonu ma le Pulega.
- Fa'amautu le talafeagai o le fa'aogaina e le fono a Fa'atonu ma le Pulega o le fa'avae Fa'a-tausi Tusi o le gafatia o le fa'aauau o le auaunaga a le Pulega o Tupe Fa'ava-o-malo a Samoa ma fa'avae i mau Fa'a-Suetusi sa tuuina mai, po'o iai se lē mautonu i tulaga ma aiaiga e fa'atatau i le mafai ona fa'aauau le auaunaga a le Pulega o Tupe Faava-o-Malo a Samoa i le lumanai. Afai ae fa'amautu o lo'o iai se tulaga lē mautinoa, e mo'omia le fa'ailoa i le matou lipoti Faa-Su'etusi o fa'amatalaga feso'otai i Fa'amatalaga Tau Tupe pe o le lē atoatoa o ia fa'amatalaga e ono suia ai le manatu Fa'a-Su'etusi. O le matou manatu e fa'avae mai i mau sa matou maua mai i le matou suega e fa'apau mai i le aso o le matou lipoti. Ae peitai, e ono iai ni mataupu i le lumanai e aafia ai le gafatia o le fa'aauau o le auaunaga a le Pulega o Tupe Faava-o-malo a Samoa ma ono fa'amuta ai ana galuega faatino.
- Iloilo le fa'ataatiaga, folasaga ma le anotusi o Fa'amatalaga Tau Tupe e aofia ai fa'amatalaga fa'aopopo po'o fa'ailoa ai fefa'atauaiga ma gaoioga i se tulaga talafeagai.

E matou te feso'otai ma le fono a Fa'atonu ma le Pulega e fa'atatau i le fa'atinoina o le matou su'ega ma saililiga taua e aofia ai fa'aletonu matuia i puipuiga fa'alotoifale e alia'e mai i le matou su'ega.

Manatu i luga o isi Aiaiga Faa-le-tulafono

I lo matou manatu, o fa'amatalaga tau tupe sa saunia ma tusia lelei ina ia tu'uina mai ai fa'amatalaga e tusa ai ma Aiaiga ma fa'amatalaga mo'omia e le:

- Tulafono o Fa'alapotopotoga o Samoa a le Malo (Fa'atinoga o Galuega ma le Mafai ona Tali Atu) 2001, ma le
- Tulafono o Pulega o Tupe a le Malo 2001.

Ua matou faamautinoa foi:

- Sa matou mauaina uma fa'amatalaga ma fa'amalamalamaga manaomia mo le matou su'ega; ma
- Sa tusia lelei tusi ma fa'amaumauga o tupe a le Pulega e tusa ai ma la matou saililiga o ia tusi ma fa'amaumauga.

Sa fa'amae'a la matou galuega i le aso 25 Oketopa 2021 ma o lo matou manatu fa'asu'etusi o lo'o fa'avae mai i lea aso

Apia, Samoa
29 Oketopa 2021


Mua'ausa Marshall Maua
SUI PULE MA SUETUSI SILI

**Pulega o Tupe Faava o Malo a Samoa Faamatalaga o
Tuufaatasiga o Paleni o Meatotino ma Aitalafu Mo le Tausaga
Faale-Tupe Faaiiina i le Aso 30 Iuni 2021**

		2021	2020
	Faamatalaga	SAT	SAT
ASETA			
Aseta e le faaliliuina i tupe i se taimi vave			
Fale ma Masini	6	5,642,847	5,407,308
Aseta e le fai tino	7	191,838	260,107
Tupe Nono atu ma tupe ua vave totogi	8	865,852	1,051,612
Tupe o lo o Faafaigaluega	9	26,424,064	29,632,544
Aia tatau e fa'aaoga ai - Lisi	16	284,606	388,723
Aofaiga o aseta e le faaliliuina i tupe i se taimi vave		33,409,206	36,740,294
Aseta e mafai ona faaliliuina i tupe i se taimi vave			
Tinoitupe ma isi ituaiga tautupe	10	64,133,778	60,454,078
Tupe Nono atu ma tupe ua vave totogi	8	1,685,084	1,437,559
		65,818,862	61,891,637
AOFAIGA O ASETA		99,228,068	98,631,931
Aitalafu e Vave Totogi			
Noataga o Lisi	16	63,007	242,432
Aitalafu e Vave Totogi			
Tupe vave totogi mai ma pili e le'i totogia	11	2,936,894	1,375,539
Tupe Fa'aagaga	12	76,672	76,650
Noataga o Lisi	16	241,340	181,923
Aofaiga o Aitalafu		3,317,913	1,876,545
Aseta Faasili		96,755,386	96,755,386
Tupe Faavae			
Faaputuga Tupe Lautele		95,910,156	96,755,386
Aofaiga Atoa o Tupe Faavae		95,910,156	96,755,386

O faamatalaga ua faaopoopo atu o se vaega ta'ua o nei Faamatalaga Tau Tupe.

Sainia mo Sui uma o le Fono Faatonu a le Pulega o Tupe Faava o Malo a Samoa i le Aso 25 Oketopa 2021.



Taimalie Ernest Betham

Ta'ita'ifono

Apia, Samoa
25 Oketopa 2021



Galumalemana Patrick Rasmussen

Faatonu

Apia, Samoa
25 Oketopa 2021

Pulega o Tupe Faava o Malo a Samoa
Faamatalaga o Tupe Maua ma Tupe Fa'aalu
Mo le Tausaga Faale-Tupe e Faaiuina i le Aso 30 Iuni 2021

Faamatalaga	2021 SAT	2020 SAT
Tupe Maua		
Kamupani Fou ma Totogifuapau Fa'aletausaga	22,673,518	24,386,393
Totogifuapau o Laisene	177,361	181,967
Isi Tupe Maua ma Tupe Faasili	3(o) 1,716,705	1,734,382
Tupe tului	3,044,770	3,404,318
	27,612,353	29,707,060
Tupe Fa'aoga		
Totogi o le Su'eina o Tusi	31,536	31,536
Faaititiga i Tau o Aseta	6 162,827	207,948
Faaititiga i Tau o Polokalame Komepiuta	7 116,269	125,952
Tului (Aitalafu o le Lisi)	16 48,897	58,179
Faaititiga I Tau o Aseta (ROU o le Lisi)	16 225,628	222,074
Fesootaiga	148,032	77,637
Totogi o Faatonu	71,002	69,387
Faaagaga mo Nonogatupe Faaletonu	22,559	23,610
Lomiga ma Pepa	84,074	63,201
Faalauiloa	13 843,313	2,165,696
Tau mo le Ofisa	133,943	126,784
Totogi o le Aufaigaluega	3,048,311	2,703,523
Isi mea	2,443,148	1,310,003
	7,379,538	7,185,530
Isi Faasiliga/Gau		
Faasili/(gau) e le'i liliutupeina	423,419	454,568
Faaalu i le fuafuaina o le ata o le fale		(272,773)
Aofaiga o isi Faasiliga/(Gau)	423,419	181,795
Tupe Mama mo le Tausaga	20,656,234	22,703,325
O isi tupe maua tuufaatasi		
O mea e le toe lipotia i tupe maua ma tupe gau:		
O le suiga i le tau talafeagai o iunite	9	791,520 659,600
Aofaiga o tupe maua tuufaatasi mo le tausaga		21,447,754 23,362,925

O faamatalaga ua faaopoopo atu o se vaega ta'ua o nei Faamatalaga Tau Tupe.

**Pulega o Tupe Faava o Malo a Samoa
Faamatalaga o Fesuiaga o Tupe Faavae
Mo le Tausaga Faale-Tupe e Faaiuina i le Aso 30 Iuni 2021**

	2021	2020
Faamatalaga	SAT	SAT
Paleni o Faaputuga Tupe Lautele i le amataga o le tausaga		
	96,755,386	88,428,094
Faaopoopo:		
Tupe mama o le tausaga	20,656,234	22,703,325
Isi tupe maua o le tausaga	791,520	659,600
Toese tupe totogi i le Malo o Samoa	(15,000,000)	(15,000,000)
Toese mai tupe totogi i le Matagaluega MPE	(7,295,549)	
Toese faasaoga e tusa ai ma le IFRS 16	2,564	(35,632)
Paleni o Faaputuga Tupe Lautele i le faaiuga o le tausaga	95,910,155	96,755,386

O faamatalaga ua faaopoopo atu o se vaega ta'ua o nei Faamatalaga Tau Tupe.

Pulega o Tupe Faava o Malo a Samoa
Faamatalaga o Tupe Fetafea'i
Mo le Tausaga Faale-Tupe e Faaiuina i le Aso 30 Iuni 2021

Faamatalaga	2021 SAT	2020 SAT
Tupe faagasolo mai galuega		
Tupe maua mai totogifuapau ma laisene	23,451,012	25,190,747
Tupe alu i tagata faigaluega	(3,213,224)	(2,817,383)
Tupe alu mo lisi ma le faaleleia o le Ofisa	(29,761)	(276,365)
Tupe alu i faalauiloa	(884,967)	(2,094,649)
Tupe alu i isi mea	(2,285,345)	(1,800,256)
Tupe vave teuina mai	<u>1,383,701</u>	<u>209,987</u>
Tupe faasili/(alu) mai galuega	<u>18,421,416</u>	<u>18,412,082</u>
Tupe faagasolo mai teugatupe faavaitaimi		
Tupe maua mai tului	2,808,463	3,340,143
Tupe faasili mai le faatauina o aseta	-	4,548
Tupe alu mo le faatauina o aseta	(536,126)	(197,171)
Tupeteu faavaitaimi i le UTOS	4,000,000	
Tufafuaga mai le UTOS	<u>858,077</u>	<u>527,680</u>
Tupe alu i teugatupe faavaitaimi	<u>7,130,414</u>	<u>3,675,199</u>
Tupe faagasolo i gaioiga tau tupe		
Tupe totogi i le Malo o Samoa	(15,000,000)	(15,000,000)
Tupe totogi i le Matagaluega MPE	(7,295,549)	
Tupe alu i gaioiga tau tupe	<u>(22,295,549)</u>	<u>(15,000,000)</u>
Faateleina /(faaitiitia) i tinoitupe	3,256,281	7,087,281
Tinoitupe ma isi mea tautupe i le amataga i le amataga o le tausaga	60,454,078	52,912,229
Faaopoopo: Faasiliga mai le Faaliliuina o Tupe	423,419	454,568
Tinoitupe ma isi ituaiga tautupe i le faaiuga o le tausaga	10 <u>64,133,778</u>	<u>60,454,078</u>

O faamatalaga faaopoopo e avea ma vaega taua o nei Faamatalaga o Tulaga Tau Tupe.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

1. Faamatalaga Lautele

O le Pulega o Tupe Faava o Malo a Samoa ua faavaeina i lalo o le *Tulafono o le Pulega o Tupe Faava o Malo a Samoa 2005*. O lona ofisa tutotonu ma le nofoaga autu o ana galuega o lo o i le Fogafale 6 o le Faletupe o Atinae a Samoa. O lo o faafoe ma vaavaaia e le SIFA le resitalaina o kamupani, laiseneina o teugatupe, laiseneina o kamupani inisiua, laiseneina o kamupani o faaputugatupe soofaatasi, ma le laiseneina o kamupani tausi mavaega i lalo o tulafono eseese o auaunaga tau tupe faava o Malo.

2. Le fa'aogaina o alafua fou ma alafua ua toe iloilo

O alafua fou na amata fa'aogaina mai i le Aso 1 Ianuari 2018

IFRS 15 'Tupe Maua mai Konekarate Faiapaaga'

O le 2018 na fa'aogaina ai e le Pulega ia ta'iala mo le aloa'ia ai o tupe maua mai konekarate ma paaga. O lenei ta'iala sa fa'aogaina ai le faiga toe fetuutuuna'i i tua (ina ia maua uma ai) suiga e i ai aafiaga ogaoga i faamatalaga o tulaga o tupe i le aso 1 Ianuari 2018, ua tuufaatasia ma faailoa o se suiga e tasi i paleni amata o tupe mama faaputu mai i isi tausaga. I lea tulaga, e le moomia le toe faailoa ai e le Pulega o se isi faamatalaga lona tolu o tulaga o tupe i lena aso.

E leai se suiga i le aso na amata ai lea ta'iala, 1 Ianuari 2018, i le faavasegaina ma le fuapauina o tupe maua a le Pulega.

IFRS 9 'Faiga Tautupe'

O le IFRS 9 ua suia ai le IAS 39 'Faiga Tautupe: Amana'iaina ma Fuafuaina'. O lenei alafua ua afua ai suiga taua i le alafua muamua i le faavasegaina ma le fuafuaina o aseta tautupe, ma faaofi mai ai le auivi o le "fuafuaina o tupe e ono gau" mo aseta tautupe ua faaletonu. I le fa'aoga aloaia ai o le IFRS 9, sa faatino ai e le Pulega ia fesuiaina fetu'utu'unai o lo o mafai ona fai, ma manatu ai e le tau toe faailoa mea ua uma ona lipotia i tausaga ua te'a. O eseese ua tutupu mai i le IFRS 9 e pei o le faavasegaina, fuafuaina ma le faaletonu o faiga tautupe e lipotia lea i tupe mama o lo o faaputu.

O le fa'aogaina o le IFRS 9 e aafia ai ia vaega nei:

- Le faavasegaina ma le fuafuaina o aseta tautupe a le Pulega. O le Pulega a le Ofisa e faafoeina ia ana aseta tautupe ma aoina ia tupe o lo o maua mai ai. O teugatupe faapolomisi i le UTOS sa faavasegaina talu ai o teugatupe o lo o taofi se'ia matua (HTM) e tusa ai ma le IAS 39 ma o lo o fa'aaauu pea ona faamauina i lona tau faaitiitia ona o lo o fetau ma faiga o le umia ai ma le aoina o tupe faapea uiga o tupe fegasoloai e tusa ai ma le IFRS 9.
- O teugatupe faavaitaimi a le Pulega e mafai ona liliu i isi teugatupe sa fua i le tau talafeagai ma lipotia i tupe mama ma tupe gau (FVTPL) o lo o fa'aaauu pea ona fua i le auala lava lea (FVTPL).
- O teugatupe faavaitaimi a le Pulega i tupe faavae (iunite i le UTOS e le fefa'ataua'ia) sa faatulaga muamua o aseta tautupe e mafai ona faatau atu sa fua i le tau talafeagai i le aso tonu e lipotia ai i lalo o le IAS 39 ua uma nei ona toe faavasega i ona tau talafeagai i lalo o isi Tupe Maua Tuufaatasi (FVTOCI).
- O faaletonu i aseta tautupe e faaoga ai le auala o lo o fuafua ai tupe e ono gau. O lenei faiga e aafia ai nonogatupe ma teuga tupe faavaitaimi i le mafai ai ona toe totogi mai ai o aitalafu ma aseta tautupe e fua i tau faaitiitia. O le auala e fuafua ai tupe e ono gau e moomia ai le lipotia e le Pulega o tupe uma e ono gau ma suiga i tupe i aso e tataua ona lipotia ai, ina ia atagia ai faafitauli i nonogatupe talu ona amana'iaina ia aseta tautupe. I se isi faamatalaga faigofie, e le toe talafeagai le tupu muamua o se gau ona faatoa faailoa lea o lea gau. I lea tulaga e moomia e le IFRS 9 le Pulega e fua le aofaiga o tupe e ono gau faaagaga e tusa ma le umi o

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

fuafuaaga o tupe e ono gau pe afai o lamatiaga i tupe e ono le toe maua ua faatupulaia talu ona umia lea aseta tautupe. Ae afai o lamatiaga i tupe e ono le toe maua mai i ia faamoemoega tautupe, e le o matua faatupulaia, e tatau i le Pulega ona fuafaatatau le aofaiga o tupe e ono gau i le 12 masina. E moomia foi e le IFRS 9 auala faafaigofie e fua ai le aofaiga o tupe e ono gau faaagaga e tusa ma le umi o nonogatupe, aseta faakonekarate ma lisi toe totogi mai tulaga faapitoa.

O faiga tautupe a le Pulega i le mua'i faaaogaina o le alafua i le aso, 1 Ianuari 2019

	<u>Vaega e fua ai</u>			<u>Tau tauave</u>	
	Vaega IAS 39	Vaega Fou IFRS 9	Paleni totoe 30 Iuni 2019 IAS39	Amataina o le IFRS 9	Paleni amata 1 Iulai 2019 IFRS 9
Aseta tautupe e le vave faaliliuina i tinoitupe			SAT	SAT	SAT
Lunite i le UTOS	E mafai ona faatau atu	FVTOCI	22,954,064		22,954,064
Teugatupe Faapolomisi i le UTOS	Taofi se'i matua	Tau Faaitiitia	3,470,000		3,470,000
Teugatupe e mafai ona liliu i le UTOS	FVTPL	FVTPL	-		-
Nonogatupe a le Aufaigaluega	Nonogatupe ma tupe vave totogi	Tau Faaitiitia	886,635		886,635
Aseta tautupe e mafai ona faaliliuina i tupe i se taimi vave					
Tinoitupe i faletupe ma tupe teu faavaitaimi	Nonogatupe ma tupe vave totogi	Tau Faaitiitia	64,133,778		64,133,778
Aofaiga o le paleni o aseta tautupe			91,444,477		91,444,477

Alafua, suiga ma faamalamalamaaga e le'i faatinoa pe vave faaoga e le Pulega

I le aso na faamaonia ai nei faamatalaga tautupe, o nisi o vaega fou, o Alafua, suiga i Alafua o lo o i ai i le taimi nei ma Faamalamalamaaga sa faailoa e le IASB e le'i amataliaina. O nei Alafua, suiga i Alafua ma Faamalamalamaaga e lei vave faaogaina e le Pulega.

O le manatu o le Pulega o folafolaga uma nei o le a amata faatino i le uluai taimi i le aso tonu e folafola ai po o le tuana'i ai o le folafolaga. O Alafua fou, suiga ma faamatalaga e le'i faatinoina ua le lisina atu i lalo ma le faailoaina atu ona o lo o iai le manatu e le tele sona faaogaina i faamatalaga tautupe a le Pulega.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

IFRS 16 'Lisi'

O le IFRS 16 ua suia le IFRS 17 'Lisi ma isi Faamalamalamaaga e tolu e o faatasi. O lenei poloketi umi a le IASB e faamae'a ai le faaleleia o faamaumauga o lisi. O lisi o le a faamau i faamatalaga o tulaga tautupe mo aiatatau e faaoga ai ma noanoatia ai. I le IFRS16, e lua ia faamama avega taua mo aseta e laiti o latou tau ma lisi pupuu e i lalo ifo o le 12 masina.

O le IFRS 16 e amatalia lona faaaogaina mai le piliota e amata i le/pe o le tuanai o le, aso 1 Ianuari 2019. E mafai ona vave faaoga lenei Alafua aepeitai ua filifili le Pulega e le vave faaaogaina.

3. Faamatalaga Tāua o Faiga Faavae o Faamatalaga Tau Tupe

O taiala faatausi tusi sa faatino ai le tapenaina o faamatalaga tautupe o lo o taua atu i lalo. O ia taiala o lo o faaaogaina i faamatalaga atoa o faamatalaga tautupe o le tausaga, seia vagana ua iai se mafuaaga.

a. Faavae o le Tapenaina o faamatalaga

O Faamatalaga Tautupe a le Pulega o Tupe Faava o Malo a Samoa ua tapenaina e tusa ai ma Alafua Faava o Malo mo le Lipotiina o Faamatalaga Tautupe (IFRS).

Ua tapenaina Faamatalaga Tautupe e tusa ma tau sa faatauina ai, vagana nisi mea totino ma faiga tautupe sa toe fua i tau fou po o tau talafeagai i le faaiuga o le piliota tau tupe e pei ona faamatalaina i faiga faavae tautupe o lo o i lalo.

O tau na faatauina ai e masani ona fua i tau talafeagai na totogi ai se oloa po o se auaunaga.

O le tau talafeagai o le tau lea na maua mai i le faatauina atu o se aseta pe na totogiina atu e soloia ai se aitalafu e pei ona masani ai i latou i le maketi i aso o fefaataua'iga, e ui o iai se tau ua uma ona fuafua e faaoga ai nisi auala o faiga o tau. I le fuafuaina o se tau talagafeagai o se aseta po o se aitalafu, e vaavaai le Pulega i vaega eseese o le aseta po o le aitalafu pe afai o lo o faatauina e i latou o lo o i le maketi ia vaega eseese i le aso tonu e fuafua e faatau ai. O tau talafeagai e fua ai /pe faailoa ai i faamatalaga tautupe o lo o faapea lava ona fai.

e. Faaliliuina o tupe o isi atunuu

O vaega eseese ua lipotia i faamatalaga tautupe o lo o fua i le tupe a le atunuu lea e iai ia le Pulega ma o le Tala Samoa (SAT). O le Pulega o lo o i Samoa ma o faamatalaga o ana tupe o lo o faaalua (tupe o lo o faaaogaina) i tupe Samoa (SAT).

O pisinisi o lo o faia i tupe a isi atunuu ua faaliliuina i le Tala e faaoga ai le fua faatatau e fesuia'i ai ia tupe i le taimi na faia ai le gaoioiga faapisinisi. O tupe faasili po o tupe gau e mafua mai i le taimi o fesuiaiga ma le faaliliuina i le faaiuga o le tausaga o aseta ma aitalafu e faamauina i totonu o tupe maua po o tupe gau. O aseta tautupe ma aitalafu na faia i tupe a isi atunuu i tau sa faatauina ai ua faaliliu i tupe Samoa e fa'aaoga ai le fua faatatau o fesuiaiga i le taimi na fai ai.

O faasiliga ma gau i fesuiaiga o tupe a isi atunuu e faatatau i aitalafu ma isi tupe ua faailoa i tupe mama po o tupe gau ua tuu faatasi ma isi faaliliuga uma i totonu o tupe maua po o tupe gau.

i. Faatusatusaga o fuainumera

Ina ia mautinoa o lo o talitutusa ma le tausaga lenei ia fuainumera o lo o i faamatalaga tautupe, o lea ua toe fetuuna'i ai fuainumera i le tausaga ua mavae i le mea e tatau ai.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021**

3. Faamatalaga Tāua o Faiga Faavae o Faamatalaga Tau Tupe (faaauau)

o. Tupe Maua

Tuufaatasiina o kamupani ma auaunaga e toe faafouina ai ia kamupani lesitala

O le Pulega e maua le tele o ana tupe mai le tuufaatasia o kamupani faava o Malo i lalo o le Tulafono o Kamupani Faava o Malo faapea ia auaunaga mo le toe faafouina o resitala o kamupani. O tupe maua mai i ia auaunaga o lo o faailoa i le piliota faaletupe na faatino ai lea auaunaga.

O tupe vave totogi mai e Kamupani Tausi Mavaega ua faamauina o aitalafu toe totogi i se taimi vave ma faato'a faamauina i lalo o tupe mama pe a faaaoga e le Pulega e totogi ai ia le tuufaatasia o kamupani po o auaunaga mo le toe faafouina o resitala a kamupani.

Tupe Tului mai Iunite

O tupe tului mai aseta tautupe i o latou tau talafeagai e lipotia i tupe mama ma tupe gau (FVTPL) o lo o faaopopo i tau faasili (gau) o ia aseta. O tupe tului mai aseta tautupe i o latou tau faaitiitia ma aseta tautupe o lo o i tau talafeagai ua lipoita o isi tupe maua uma (FVOCI) e faaaoga ai le auala tonu mo tului ma o lo o faailoa i le Faamatalaga o Tupe Mama ma Tupe Gau ma Isi Tupe Maua Uma. O tupe maua mai I tului e maua mai I nonoga tupe o loo teu faavaitaimi I faletupe faapea tupe faafaigaluega I le UTOS.

Isi tupe maua ma tupe faasili	<u>2020</u>	<u>2019</u>
	<u>SAT</u>	<u>SAT</u>
Totogi o fa'asalaga	282,230	275,404
Pili totogifuapauina	317,452	346,783
Tufatufaga- UTOS	1,055,359	1,055,359
Tului mai Aitalafu a le aufaigaluega	61,663	52,288
Tupe faasili mai faatauga o Aseta	<u>0</u>	<u>4,548</u>
Aofaiga	<u>1,716,705</u>	<u>1,734,382</u>

O le tele o paleni o nei tupe maua ma tupe faasili e mai le tufatufaga o tupe o loo faafaigaluegaina I le UTOS. O tufatufaga o tupe o lo maua mai aseta tautupe o loo fuafaatatau I tau talafeagai I tupe mama poo tupe gau (FVTPL) faatasi ai ma tautalafeagai ua lipotia o isi tupe maua uma (FVOCI).

u. Faiga Tautupe

Amanaiaina ma le le amanaiaina

O aseta tautupe ma aitalafu tautupe e amanaiaina i le taimi e avea ai le Pulega o se paaga i se konekarate tautupe.

O aseta tautupe e le amanaiaina pe afai ua faamuta le aia tatau e maua mai ai se faamanuiaga tau tinoitupe po ua faamatuu ese foi ia popolega ma faamanuiaga. O aitalafu tautupe e le amanaiaina pe afai ua faauma, faamagalo, faaleaogaina po ua uma lona taimi.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

Faatulagaina ma fuaina o aseta tautupe

Faatulagaina ma fuafuaga o tau talafeagai i le taimi muamua

Vagana ai aitalafu i pisinisi masani e le o iai se vaega ogaoga tautupe e noatia ai ma o lo o fuaina i lona tau o fefaatauaiga e tusa ai ma le IFRS15, o isi aseta tautupe uma o lo o mua'i fua i le tau talafeagai ua fetuuna'i e tusa ma ona tau faaalu i fefaatauaiga o iai (pe a tusa ai).

O aseta tautupe a le Pulega o lo o faatulagaina i vaega nei:

- Tau faaitiitia
- Tau talafeagai i tupe mama ma tupe gau (FVTPL)
- Tau talafeagai i isi tupe maua (FVOCI). O le faatulagaina e fuafua i mea e lua nei:
- O le faiga faapisinisi e faafoe ai le aseta tautupe
- O le maliega i gasologa o tupe mo le aseta tautupe

O tupe maua ma tupe faaalu uma i aseta tautupe o lo o amanaiaina i totonu o tupe mama po o tupe gau o lo o faaalua i tupe faaalu mo tupe, tupe maua mai tupe po o isi vaega tautupe, vagana ai ia faaletonu o aitalafu o lo o faaalua isi tupe faaalu.

Fuafuaga o tau o aseta tautupe i le mae'a ai o le tausaga faaletupe

Aseta tautupe i tau faaitiitia

O aseta tautupe o lo o iai konekarate e maua mai ai ua fua i o latou tau faaitiitia. O tupe faasili po o tupe gau, mai aitalafu faaletonu e toe fuaina i o latou tau faaitiitia ma e le toe aafia i fefaatauaiga, o lo o amanaiaina i tupe mama ma tupe gau pe a ua le toe amanaia po o ua faaletonu lea aseta tautupe. Tupe tului mai i ia aseta tautupe o lo o aofia i totonu o "tupe tului" e faaaogaina ai faiga talafeagai lelei mo tupe tului. O ia vaega e aofia ai paleni o tupe ma nonoga tupe a le afaigaluega.

Aseta tautupe i tau talafeagai i tupe mama ma tupe gau (FVTPL)

O aseta tautupe o lo o i totonu o faiga pisinisi eseese e ese mai le umia ma aoina po o le umia ma aoina ma faatau atu e faavasegaina i tau talafeagai i tupe mama ma tupe gau. Po o le a lava le ituaiga pisinisi, o aseta tautupe o lo o iai konekarate e maua mai ai tupe e le faapitoa mo le totogiina o nonogatupe ma tupe tului e faamauina i le FVTPL. O lea vaega e aofia ai tupe faaliliu i le UTOS. O aseta i lea vaega e fua i le tau talafeagai, o ni tupe maua pe gau e faailoa i tupe mama ma tupe gau.

Tupe faavae i tau talafeagai i isi tupe maua (FVOCI)

E faamauina e le Pulega ia tupe faavae i FVOCI pe afai e le fefaataua'ia. O le vaega lea e aofia ai teugatupe faavaitaimi i iunite a le UTOS ma ua faia le faaiuga mautu a le Pulega e amanaia i le FVOCI. O suiga i tau talafeagai (tupe mama po o le gau) e amanaiaina i isi tupe maua ma e le toe suia lona faiga e tusa lava po ua le amanaiaina le aseta.

Faaletonu o aseta tautupe

O aiaiga o le IFRS 9 mo faaletonu tautupe e faaoga ai faamaumauga o iai e vaavaai ai i le lumana'i i tupe gau e ono tutupu – po o le faiga e mate ai ia tupe gau (ECL). O le faiga lea e sui ai le IAS 39 "faiga mo tupe gau ua iai". O faiga o tupe i suiga fou ia e aofia ai ia nonogatupe ma isi aitalafu tau tupe o lo o fua i tau faaitiitia ma FVOCI, aitalafu e mafai ona fefaataua'i, o aseta faakonekalate o lo o amanaiaina ma fua e tusa ma le IFRS15 faapea ia noataga i aitalafu ma

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

nisi o faamaoniga tautupe ua faakonekalate (mo le na faamatuuina le aitalafu) e le o fuaina i se tau talafeagai i tupe maua ma tupe gau.

O aseta e mafai ona fefaataua'i ma aseta ua faakonekalate

O lo o faaaogaina e le Pulega le auala faigofie e lipotia ai aseta e mafai ona fefaataua'i ma aseta ua faakonekarate ma faamauina ia tupe gau o gau fuafuaina. O mea ia e maitauina ma fua i ai ni faafitauli e ono tulai mai i le faagasologa o tupe mai faiga faakonekarate, ma vaavaai i ni faaletonu ogaoga e ono tutupu i soo se taimi a o gasolo ai faiga tautupe. Ua faaoga e le Pulega lona poto masani, faailoilo mai fafo ma faamaumauga e faasino i le lumana'i e fuafua ai le gau e faaoga iai le faiga mo faagaga eseese.

E vailiili e le Pulega ia faaletonu o aseta e mafai ona fefaataua'i i tulaga o le tuufaatasiaina o faamatalaga i lona aotelega e fua i aso sa faaletonu ai.

Faatulagaina ma fuafuaaga o aitalafu tautupe

O le faiga o aitalafu tautupe o lo o talitutusa ai lava le IFRS 9 faatusatusa i le IAS 39, o aitalafu tautupe a le Pulega e le o aafia i le faaaogaina o le IFRS 9. Mo le faatinoina atoatoa, o le taiala faatausitusi o lo o taua i lalo.

O aitalafu a le Pulega e aofia ai ia nonogatupe, o tupe totogi atu i galuega faapisinisi ma o lo o faatulaga i tau faaitiitia.

O aitalafu tautupe o lo o fua i tau talafeagai, ma, a talafeagai, e fetuuna'i le tau faaalu vagana ua manatu le Pulega o le tau talafeagai o le aitalafu tautupe e faamau i tupe mama po o tupe gau.

O aitalafu tautupe o lo o fua i tau faaitiitia e faaoga ai le auala tonu mo tupe tului.

O tau o tupe tului uma ma suiga i le tau talafeagai o faiga o tupe e lipoti i totonu o tupe mama po o tupe gau o lo o aofia ai tau o tupe po o tupe mama maua mai tupe.

f. Faamanuiaga e agavaa iai le au faigaluega

O tau faagaga mo faamanuiaga e agavaa i ai le aufaigaluega i aso malolo faaletausaga ma aso malolo mo auaunaga umi o lo o fua i o latou totogi o lo o iai i le aso e faapaleni ai tupe.

g. Lisi

O lisi faaoga, e nafa le e ona le aseta ma faafitauli faapea ia faamanuiaga uma o le lisi, o ia vaega o lo o aofia i fetuunaiga o faasilaga mama o lo o fuafua tutusa ai le totogiina i le taimi atoa o le lisi.

l. Lafoga

I lalo o le fuaiupu 23 o le Tulafono o le Pulega o Tupe Faava o Malo a Samoa 2005 e le faia ai ni lafoga i tupe mama a le SIFA.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

3. Faamatalaga Tāua o Faiga Faavae o Faamatalaga Tau Tupe (faaauau)

m. Tinoitupe ma isi ituaiga tupe

O tinoitupe ma isi ituaiga o tupe, e i ai ia tupe o lo o i lima, tupe o lo o i faletupe ma teugatupe faavaitaimi e laititi se avanoa e sui ai lona tau pe a tala.

n. Fale ma Masini

O meatotino, fale ma masini e faaoga ai tau faaitiitia i o latou tau e tusa ai ma le umi o lo latou faaogaina i o latou taimi faatapulaaaina. Ua faaogaina le auala vave e faaitiitia ai le tau e tusa ma le taimi faatapulaaaina. O vaega autu o ia meatotino, e iai fale ma masini ia ma le umi o lo latou faaogaina e faapea:

Mea fale ma faaopoopoga	10 tausaga
Masini a le Ofisa	5 tausaga
Taavale	5 tausaga
Faaleleia o lisi	10 tausaga
Fanua	E le faaitiitia le tau
Fale	20 tausaga

p. Aseta e le fai tino

O polokalame komepiuta o lo o faamauina i le tau na faatau mai ai toese ai le tau faaitiitia. O tau ia ua lipotia i tupe mama ma tupe gau e faaoga ai le 5 tausaga lea e fuafua e faaoga ai.

4. Faatonutonuina o lamatiaga tautupe

O pisinisi a le Pulega e aafia i lamatiaga tautupe e pei o lamatiaga i le maketi e aafia ai le gasologa o tupe tului, o tupe toe totogi mai ma tupe e faagaoioi ai ia galuega. O le faatonutonuina o lamatiaga e nafa lea ma le Pulega faapea le Fono a Faatonu. O i latou e auiliiliina ma vaavaai i lamatiaga tautupe i vaega uma o le pisinisi.

(i) Faatonutonuina o lamatiaga i tupe toe totogi mai

O le lamatia o se paaga i se faiga tautupe e mafua ai se gau tautupe o le isi paaga pe a le mafai ona tausisia ana matafaioi. O faiga tautupe e pei o teugatupe faavaitaimi ma nonogatupe a le aufaigaluega e ono aafia ai le SIFA i lamatiaga tautupe.

O le aafiaga o le Pulega i lamatiaga tautupe e fitoitonu i nonogatupe a le aufaigaluega. O nonogatupe a le aufaigaluega ua faamuta e le faatonuga a le Kapeneta mo ana matagaluega ma faalapotopotoga uma. O nonogatupe a le aufaigaluega o lo o iai o lo o faaitiitia mai tupe totogi mai i a latou totogi masani.

I le tuua ai o galuega i le Pulega, e moomia ai latou e iai nonogatupe e totogi aitalafu uma i le taimi e uma ai po o le faia o fetuunaiga mo le totogiina. O le le mafai ai ona totogi atoa o sea nonogatupe e mafua ai se gau ma o lo o iai faaagaga mo gau ia i le taimi nei.

O totogi uma o aitalafu e toese mai i le totogi o le tagata faigaluega o lo o galue, o le mea lea o lo o lelei ai le totogiina o nonogatupe i le taimi nei. O lo o faaoga e le Pulega le auala faigofie e fuafua ai tupe e ono gau i le taimi o le aitalafu ma faaoga matematega (PD) e ono gau ai i paleni o lo o iai i le taimi nei:

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021**

4. Faatonutonuina o lamatiaga tautupe (faaaau)

	PD	Aofaiga atoa SAT	Gau faaagaga SAT	Aitalafu faaletonu SAT
30 Iuni 2020				
Nonogatupe Atoa a le Afaigaluega	2.10%	956,858	70,223	70,223
Nonogatupe na iloiloina faapitoa				
		956,858	70,223	70,223

O paleni e lei totogia mai e iloiloina po o faaletonu. O le fesuaiga i tupe faaagaga mo tupe gau o nonogatupe a le afaigaluega o lo o faailoa atu i le faamatalaga 8.

ii. O Lamatiaga i tupe o lo o i tupe a isi Atunuu.

O lo o faatonutonu e le SIFA ona aafiaga i le le toe maua mai o ana tupe o lo o faaigaluega i le tuu lea i kamupani eseese o lo o lelei ma maualuga lona faatulagaina e sili atu i lo o le SIFA ma fai lelei ia puipuiga mo nonogatupe a le afaigaluega.

I le aso o lenei ripoti ua faamauina ai e le SIFA ana tupe i Tala Amerika pei ona taua i lalo:

	2021 SAT	2020 SAT
Aseta Tautupe:		
Tinoitupe ma isi ituaiga o tupe	370,210	347,074
Aitalafu Tautupe:		
O tupe vave totogia mai e paaga	(2,148,683)	(951,553)
Aafiaga Faasili	(1,778,473)	(604,479)

O aafiaga o lo o taua i lalo e fua i lamatiaga o tupe a isi atunuu o lo o i ai i le aso e faapaleni ai tupe ma le aafiaga i tupe mama.

	Mauaialuga/(Mauaialalo) SAT	Mauaialuga/(Mauaialalo) SAT
SAT/USD + 5%	(88,924)	(30,224)
SAT/USD - 5%	88,924	30,224

O le tau lea na faaliliu ai paleni USD i le aso:

06/2021 - 0.3988

30/06/2020 - 0.3818

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021**

4. Faatonutonuina o lamatiaga tautupe (faaauau)

iii. O Lamatiaga i tinoitupe o lo o iai

O lamatiaga i tinoitupe o le le mafai ai ona totogi ia ana fuafuaga tautupe pe a oo i taimi e totogi ai. O le faiga lea e fai ai e le Pulega le faatonutonuina o lamatiaga o tinoitupe o le mautinoa o lo o lava ia tinoitupe e totogi ai aitalafu i le taimi e totogi ai i vaitau masani ma vaitau faigata e aunoa ma se gau e tulai mai po o le ta'uleagaina o le Pulega. E faatino e le Pulega le faatatau mo le gasologa o tupe, e vaai i tinoitupe e sau i totonu ma tinoitupe e alu atu i fafo mai le Pulega i le tausaga e fesoasoani i le mataituina o manaoga tautupe ma le faateleina o tupe maua mai i teugatupe. O le masani o le Pulega, ia mautinoa ia lava tinoitupe e vave maua mai mo le faagaoiiga o le Ofisa, e aofia ai le faataunuina o ana fuafuaga tautupe. O le tulaga o lo o iai ia tupe e mataituina i aso uma lava.

iv. O Lamatiaga i tupe tului

Lamatiaga i tau talafeagai i tupe tului

O lamatiaga i tau talafeagai i tupe tului e mafua mai le fesui ai o tupe tului e avea ma auala e fesuisui ai le tau talafeagai o vaega tautupe. O nonogatupe a le aufaigaluega o lo o i tului tumau ma e le o iai se aafiaga tele i lamatiaga o tupe tului.

Lamatiaga i tupe maua mai tupe tului

O le Pulega e iai ia ana aseta e maua mai ai ia tupe tului i mea tau tupe teufaavaaitaimi. O teugatupe ia e tumau ia tupe tului e maua mai ai ma e leai se lamatiaga i tupe tului o iai i le taimi o teugatupe ia.

Mo teugatupe toe faaauau, e feutaga'i le Pulega ma Faletupe o fefaatauaiga i tupe tului talafegai, ma e teu faaauau i le faletupe e tele le tupe tului e ofoina mai. Ona e tumau le tupe tului e maua mai, e maualuga le talitonuga o le Pulega o lo o lelei le sau i totonu o tupe e maua mai i tupe tului mai i teugatupe faavaaitaimi.

O isi lamatiaga

Lamatiaga i le faatinoga o galuega

O lamatiaga i le faatinoga o galuega, o lamatiaga e mafua mai se gau ona o le faaletonu o ala o lo o faatino ai galuega, faaletonu o le tagata faapea ia le le faamaoni. A le mafaia loa e ala ua faataatitia e puipui ai le faatinoga o galuega, ona aafia loa lea o le igoa lelei o le Pulega ma tutupu mai ai aafiaga tau tulafono ma oo atu ai i faaletonu tautupe. E le mafai e le Pulega ona faapea ifo e leai ni faafitauli i le faatinoga o galuega ae o le faamoemoe i ala ua faataatitia ma mataitu e tali atu i lamatiaga e ono tutupu mai ua mafai ai e le Pulega ona faatonutonu ia lamatiaga. O ala ua faataatitia e aofia ai le vaevaeina o matafaioi, mafai ona maua ia faamatalaga, malosiaga ma faiga e soalaupule ai, aoaoina o le aufaigaluega faapea auala e faatino ai suesuega.

5. O fuafuaga ma faaiuga taua tautupe

E faia e le SIFA ia fuafuaaga ma taumatematega mo le lumana'i. O le taunuuga o fuafuaaga ma taumatematega i faiga-faavae tau tausisi tusi o lea e seasea tutusa ai ni fuafuaga ma iuga moni o le a taunuu i ai. O fuafuaga ma matematega e iai ia lamatiaga ogaoga e afua ai ni suiga tetele i tau tauave o aseta ma aitalafu i totonu o le isi tausaga faaletupe e sosoo ai e pei ona taua i lalo.

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021**

a. Fua e fuafua ai tau talafeagai

E faaoga e le pulega metotia o fuafuaaga o tau e saili ai tau talafeagai o faiga tautupe (pe afai e le o ma'ua tau mai maketi) ma aseta e le o ni faiga tautupe. E aofia ai le atinaeina o fuafuaga ma taumatematega ia tutusa ma talafeagai ma le faatinoina e sui tauva i maketi o le faiga o tau o faiga tautupe. E fua fuafuaaga a le Pulega i faamaumauga aoao mai pe a talafeauga, peitai ane e le tumau ai ona avanoa i taimi uma. I lea tulaga, e faaoga e le pulega faamatalaga o lo o maua. O le tau fuafua e ono eseese ma le tau moni o le a i ai le faatinoina o fefaatauaiga masani i le faaiuga o le tausaga faale-tupe.

e. O le ola aoga o aseta faaitiitia

A faatau se aseta umia totino e le SIFA ona fua lea pe mata o le a le umi talafeagai o le taimi o le a aoga ma umia ai e le SIFA lea aseta fua i luga o faamatalaga ma aiaiga o lea aseta poo vasega o aseta sa umia poo lo o umia i le taimi nei poo le taimi ua tuanai e le SIFA. Afai e le o i ai ni faamatalaga o ma'ua o ia aseta poo le vasega o ia aseta o umia i le taimi nei pe sa umia i le taimi ua tuanai, ona tagai lea i fua tapulaa aloaia.

i. Faaletonu i aseta e le o ni faiga tautupe

O tausaga taitasi e tagatagai ai le SIFA i le tau tauave o ana aseta e sailiili po o iai i se tulaga faaletonu. E faatino fetuunaiga talafeagai i faiga-faavae o ia iloiloga mo se faasaoga, pe a moomia, po o se faaletonu ogaoga i aseta ma faamauina i faamatalaga tau-tupe. O faamaninoga ma faailoa talafeagai e ao ona tausisia ma mulimulitaia mo ia tulaga.

6. Fale ma Masini

	Fanua ma Fale SAT	Meafale ma Masini SAT	Taavale SAT	Faaleleia o Lisi SAT	Galuega Faagasolo SAT	Aofaiga SAT
Tau						
Paleni i le aso 30/06/20	4,816,000	1,952,951	361,500	156,363	138,210	7,425,024
Aseta faaopoopo		297,930			102,540	400,470
Aseta aveesea		(7,604)				(7,604)
	4,816,000	2,243,278	361,500	156,363	240,750	7,817,891
Paleni i le aso 30/06/21						
Tau atoa faaitiitia o aseta						
Paleni i le aso 30/06/20	-	1,499,852	361,500	156,364	-	2,017,717
Faaitiitiga i tau o aseta	-	144,298	-	-	-	207,948
Aseta aveesea	-	(5,500)	-	-	-	(275,055)
	-	1,657,180	361,500	156,364	-	2,175,044
Paleni i le aso 30/06/21						
Faaitiitia i tau o aseta:						
Aso 30/06/20	4,816,000	453,099	0	(1)	138,210	5,407,308
Aso 30/06/21	4,816,000	586,098	(0)	(1)	240,750	5,642,847

**Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021**

7. Aseta le faitino

	Polokalame e Resitala ai Kamupani SAT	Polokalame Tausi Tusi SAT	Aofaiga SAT
Tau			
Paleni i le aso 30/06/20	849,410	225,428	1,020,538
Aseta faaopoopo	48,000	-	48,000
Aseta aveesea	-	-	-
Paleni i le aso 30/06/21	897,410	225,428	1,122,838
Tau atoa faaitiitia o aseta			
Paleni i le aso 30/06/20	698,093	116,639	814,732
Faaitiitiga i tau o aseta	71,183	45,086	116,269
Aseta aveesea	-	-	-
Paleni i le aso 30/06/21	769,276	161,724	931,000
Faaitiitia i tau o aseta: Aso 30/06/20	151,317	108,789	260,106
Aso 30/06/21	128,134	63,704	191,838

8. Tupe nono atu ma tupe ua vave totogi

	2021 SAT	2020 SAT
Suiga i tau faaagaga i nonogatupe e ono faaletonu		
Aofaiga atoa o nonoga tupe a le aufaigaluega	956,858	1,143,429
Toese tau faaagaga mo nonoga tupe e ono faaletonu	(70,223)	(47,664)
	<u>886,635</u>	<u>1,095,765</u>
Faailoa ma faatulaga i totonu o faamatalaga o meatonito ma aitalafu:		
Aseta e le faaliliuina i tupe i se taimi vave		
Nonoga tupe aufaigaluega – puipuia lelei	865,852	1,051,612
	<u>865,852</u>	<u>1,051,612</u>
Aseta e mafai ona faaliliuina i tupe i se taimi vave		
Nonoga tupe aufaigaluega – puipuia lelei	91,006	91,816
Toese tau faaagaga mo nonoga tupe e ono faaletonu	(70,223)	(47,664)
	<u>20,783</u>	<u>44,152</u>
Tupe tului e le'i oo i le taimi e maua ai	461,754	740,752
Tau mai iunite e le'i oo i le taimi e maua ai	1,055,360	527,680
Tupe faaoga ua vave totogi	147,186	124,976
Aofaiga o tupe nono atu ma tupe vave totogi	<u>1,685,084</u>	<u>1,437,560</u>

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

O nonoga tupe a tagata faigaluega o lo o maua ai tupe tului faasili ma o lo o puipuia i mea totino i lalo o ia nonoga tupe e umiaina e le tagata faigaluega mo vaitaimi e amata i le 5 e oo atu i le 20 tausaga.

O nei nonoga tupe e ono faamae'aina faapea:

	2021	2020
	SAT	SAT
E le sili atu i le 12 masina	6,339	4,352
E sili atu i le 1 tausaga ae itiiti ifo ma le 5 tausaga	23,971	25,733
Sili atu ma le 5 tausaga	926,548	1,113,343
Aofaiga	956,858	1,143,429

9. Tupe o lo o faafaigaluega

	2021	2020
	SAT	SAT
Tupe faafaigaluega i le UTOS i le tau talafeagai i le amataga	22,162,544	20,260,000
lunite faaopoopo sa faatauina (763k) a o faagasolo le tausaga	0	1,242,944
Fesuaiga i tau talafeagai i le aso 30 Iuni 2021	791,520	659,600
Tupe faafaigaluega i le UTOS i le tau talafeagai i le faaiuga	22,954,064	22,162,544
Tupe faafaigaluega i le UTOS – teuga tupe e mafai ona faaliliu	-	-
Tupe faafaigaluega i le UTOS – teuga tupe faapolomisi	3,470,000	7,470,000
	26,424,064	29,632,544

10. Tinoitupe ma isi ituaiga tautupe

	2021	2020
	SAT	SAT
Tinoitupe ma paleni o teuga tupe	1,025,856	2,094,601
Teuga tupe faavaitaimi	63,107,923	58,359,477
Tupe ma isi ituaiga tautupe i Faamatalaga o le Faagasologa o Tupe Maua ma Tupe Faaoga	64,133,778	60,454,078

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

E aofia i le paleni o tinoitupe ma teuga tupe le paleni o tupe sa tuu i totonu o Pepa Tupe a le SIFA e totogi ai auaunaga ma e faapea:

	2021	2020
	SAT	SAT
Aofaiga o le paleni o tupe i totonu o pepa tupe	39,794	38,300
	39,794	38,300

O nei pepa tupe e i ai ia paleni tapulaa e faaoga ai e ta'i NZD10,000.00 ma e lokaina i le sefe saogalemu i lalo o le vaavaaiga a le Vaega Tau Tupe.

O lo o teuina foi teugatupe faavaitaimi i faletupe i totonu o le atunuu mo le 3 masina e oo atu i le 6 masina mo tupe tului i le va o le 2% ma le 3% i le tausaga. O le vaevaega o le aofai o teugatupe faavaitaimi i le aso 30 Iuni 2021 o lo o teuina i faletupe o fefaatauaiga e 4 o lo o faaalua i lalo:

	%	2021
		SAT
ANZ	9%	5,400,279
BSP	23%	14,708,868
NBS	38%	24,193,689
SCB	30%	18,805,086
Aofaiga		63,107,922

11. Tupe vave totogi mai ma Pili e lei totogia

	2021	2020
	SAT	SAT
Tupe vave totogi mai Paaga Faipisinisi	2,148,683	951,553
Pili e le'i totogia	788,211	423,986
Aofaiga	2,936,894	1,375,539

O tupe vave totogi mai paaga, o tupe ia a kamupani tausii mavaega e totogi ai resitala po o le faafouga o resitala o kamupani faava o malo pe a oo i le taimi e tatau ai.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

12. Tupe faaagaga mo Aso malolo o le Aufaigaluega

	2021	2020
	SAT	SAT
Paleni i le amataga o le tausaga	76,649	62,428
Aso malolo e lei faaogaina	19,584	40,681
Aso malolo ua faaogaga	(19,561)	(26,460)
	76,671	76,649

13. Faalauiloa

	2021	2020
	SAT	SAT
Faalauiloa	843,313	2,165,696

O faalauiloa e aofia ai fesoasoani tau-tupe o lo o tuuina atu i au taaalo a le atunuu faapea semina ma faalauiloa mo Samoa i auunaga tau tupe faavao malo i atunuu i fafo.

14. Tupe Totogi i le Malo

	2021	2020
	SAT	SAT
Saofaga i le Malo o Samoa	15,000,000	15,000,000
Tupe Totogi I le Matagaluega o Pisinisi Tumaoti	7,295,549	0
	22,295,549	15,000,000

O le Aofaiga o le Saofaga e SAT15 miliona sa tuuina atu i le Malo mo lenei Tausaga Faaletupe 2020/2021 i lalo o le vaega 18 o le *Tulafono o Pulega o Tupe Faava o Malo a Samoa 2005*. O le tupe na totogiina atu e SAT7.3 miliona na afua mai I le 35 pasene o tupe mama e lei sueina e suetusi mo le faaiuga o le masina o Tesema 2020. Afua atu I luga o tupe mama mo le tausaga faaletupe fa'amae'aina le aso 30 Iuni 2021, o le a totogiina atu e le SIFA se isi tupe totogi e SAT.211miliona I le Matagaluega o Pisinisi Tumaoti. O le SIFA o lo'o lavea i le vaega e tatau ona totogi atu tupe (dividend payment) ina ua maea ona faase'eina atu mai I lalo o vaega o Faalapotopotoga e ofoina atu auunaga mo le lautele agai atu I lalo o vaega o Faalapotopotoga e faafaigaluegaina tupe aua ni tupe faasili.

15. Noanoataga e ono tulai mai

O lo o tumau pea ona tetee le SIFA i se tuuaina faaletulafono o lo o i luma o le Faamasinoga Maua luga a Samoa i le taimi nei. Ae peitai, o taualumaga o le faamasinoga e lei maea ma o se tau poo se noataga i le faaiuga o lenei tausaga faaletupe e le o mautinoa (2020/2021: selo).

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

16. Noataga o Lisi

Ua vaetamaina e le SIFA le metotia o le toe tagai I tua e avea ma auala e faailoa ai lisi ina ia o tutusa ai ma le IFRS16. O le aia tatau e faaoga ai lisi faapea noataga o lisi ua mafia nei ona faailoa I luga o faamatalaga o tuufaatasiga o meatotino ma aitalafu. O le tului o lisi faapea le faaititia o paleni o lisi ua faamauina i luga o faamatalaga o tupe maua ma tupe faaalu e fuafua I le vaitaimi o le lisi.

	2020	2019
	SAT	SAT
Tautinoga o lisi		
Tului (Lisi Noataga)	48,897	58,179
Faaitiitia (Aia tatau e faaoga ai le aseta)	225,628	222,074
	274,525	280,253

Aia tatau e faaoga ai le aseta	284,606	388,723
--------------------------------	----------------	----------------

Noataga o Lisi		
E i lalo ifo o le tausaga (taimi nei)	241,340	181,923
E ova atu ma le tausaga (le taimi nei)	63,007	242,432
	304,347	424,355

17. Faailoaina o mataupu tau i le Pulega

	2021	2020
	SAT	SAT
Tau i le pulega:		
Totogi	1,135,571	999,278
Totogi o Faatonu ma alauni	71,002	69,387
	1,206,572	1,068,665

O totogi o le pulega e fuafua e le Kapeneta ma le Fono a Faatonu. O le Pulega e aofia ai le Pule Sili, o Pule Sili Lagolago (3), Taitai Vaega o Pisinisi ma Atina'e, Taitai Vaega mo Auaunaga Faa-Tekonolosi ma Auaunaga Fesoasoani, Taitai Vaega mo le Aufaigaluega, Taitai Vaega Tau Tupe, Taitai Vaega e Mataituina le Tausisia o Tulafono ma Taitai Vaega o Resitala ma le SRS.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

18. Auiliiliina o Tupe Faagasolo mai/i Galuega

	2021	2020
	SAT	SAT
Tupe Mama	21,447,754	23,362,925
Fetu'unaiga mo:		
Faaitiita i tau o fanua, fale ma masini	162,827	207,948
Tupe faaalu i le fuafuaina o le fale	0	272,773
Faaitiitia i tau o aseta le faitino	116,269	125,952
Suiga i le tau o le fanua	(791,520)	(659,600)
Tupe maua	(423,419)	(475,146)
Tupe faaalu	16,410	20,577
Tupe maua mai tului	(2,808,463)	(3,456,406)
Faamanuiaga mai iunite - UTOS	(1,055,359)	(1,055,359)
Tupe Gau/(Tupe mama) i le faatauina o meatotino	-	(4,548)
Siitia i aitalafu toe totogi mai	315,527	(627,436)
Siitia/(Faaititia) i aitalafu totogi atu	1,441,368	(568,691)
Siitia/(Faaititia) i tupe faaagaga ma faamanuiaga mo tagata faigaluega	22	14,220
	18,421,416	18,416,082

19. Samoa International Business Finance Centre (SIBFC)

O le SIBFC sa amataina ma resitala i le Matagaluega Pisinisi, Alamanuia ma Leipa i le aso 16th o Tesema 2020 e tusa ai ma le Faatonuga-FK 20(48).

Na faatuina le kapani faalauiloa o le SIBFC ina ia ausia faamoemoega nei:

1. Faalauiloa, atinaeina ma faatuputupulaia o atinae tau tupe fava o malo i totonu o Samoa I lalo o le vaavaaiga a le Pulega o Tupe Fava o Malo a Samoa.
2. Fesoasoani i le faatinoina o faalauiloa o galuega ma auaunaga a le SIFA faapea fofo
3. Vavaeina le va feteeteenai o galuaega faatino a le SIFA e pei o le Faatonu toe Faalauiloa i le taimi e tasi
4. Sueue ma le atinaeina o auaunaga esese i galuega tau tupe fava o malo faapea fofo
5. Galue valalata ma Kamupani, Ofisa Loia faapea Ofisa Tausi Tusi ina ia ausia aiaiga o tupe fava o malo i totonu o Samoa.
6. Amatalia auaunaga faalauiloa faapitoa i le atinaeina o fofo ina ia faatumaina le lelei o le SIFA

E leai ni fefa'ataua'iga sa faamauina I le lalo o le Kamupani fou (SIBFC) i le faaiuga o le tala o le tupe i le aso 30 Iuni 2021.

Pulega o Tupe Faava o Malo a Samoa
Faamatalaga Tau Tupe
Mo le Tausaga Faale-Tupe e Faaiuina i le Aso 30 Iuni 2021

20. Faamaoniga o faamatalaga tau tupe
Mea na tutupu mulimuli ane i le aso o le lipoti

Tautupe

Sa fuafuaina e le SIFA le faaititia o ala tupe autu (kamupani toe faafou/ kamupani fou) ona o le aafiaga o le Koviti-19 mo le tausaga faa le tupe e amata mai i le 1st Iulai 2021. Ae ui i lea, e maituina i le kuata muamua le lelei o i'uga ae matou te faamoemoe e faaauau ai pea le lelei i totonu o le tausaga e maea i le faaiuga o le aso 30 Iuni 2022.

Tufatufaga

O loo fuafuaina le totogiina o se tufatufaga faaopopo e SAT0.211miliona mai i tupe faaputu pea maea i le faaiuga o le aso 30 Iuni 2021. Sa totogiina e le SIFA le SAT 7.2miliona i le i totonu o le tala o le tupe i le aso 30 Iuni 2021 ae o le paleni o le SAT0.211 e tuu faatasi ma maua ai le 35% o tufatufaga pea faatatau i tupe faasili e SAT 21.4 miliona.

Faagaioiga

Ua sainia e le SIFA se konakorate ma le MX media latou te faatinoina faalauiloa mo le SIFA i totonu o Saina. Ua faatotogaina le Fono a faatonu ma le Pulega i masini Komupiuta ua uma ona tuu ai ma le polokalame o le Zoom ina ia mafai ona feso'ota'i ai mai i le fale pea lavea Samoa I le Koviti-19.

21 Faamaoniga o le tala o le tupe

Na faamaonia ia nei Faamatalaga Tautupe e le Fono a Faatonu i le aso sa sainia ai e le Fono a Faatonu.